

春融堂集

和16
890
4



春融堂集卷九

青浦 王 昶 德甫

聞思精舍集 乙酉 丙戌 丁亥

送藥根上人 湛汎 往五臺三首

生平物外心愛與幽人侶
琴聰暨蜜殊接蹟滿庭宇
入冬事朝參每趁蘭臺鼓
未暇理書籤何由接巾屨
春來賸餘閒擬作茶瓜語
又聞理條衣翛然即羈旅
碧雲感湯休零雨愴孫楚
雖無三宿心詎能浣離緒

牛首獻花巖幽棲祖堂寺
煙霏靄層巒松竹起清吹
寶坊始融公諸天儼環侍
吾昔過牛頭支筇探靈異
遙望西風嶺金碧炫蒼翠
所悵夕陽斜幽尋興未遂
知君繼石谿風流照初地
詩如清磬寒殘夜破昏
睡詞章亦空華畧等搏沙
戲相期



紹黃梅盡掃文字諦藥根曾住 祖堂方丈

東方大震那最數清涼境宵燈散月峯秋雪凍天井文殊童子居金閣現空影華嚴有大師墨海掃千穎疏鈔百萬言辯才絕馳騁卓哉賢首宗義與雲天永君今攜軍持焚香禮五頂狼烏答梵聲冰霜寫清景應參法界觀一笑六塵靜歸來過做廬為我破幽耿如談十會文豎拂猶可領

書錢湘靈陸燦所藏宋榻顏魯公爭坐位帖

平原石墨重兼金自記生平歲月深更載湖州莊氏史存亡何限故人心

題王元照仿梅道人山水

小亭孤閣遠重重一幅雲山似與中應與奉常相上下不須更說學思翁見陳眉公跋語

尙未分符到始興中年山水已飛騰緣知麟鳳洲邊住臨徧

煙巒滿剡藤考此幀自題已卯小春蓋崇禎十二年其後始為廉州太守及遭兵變回吳筆墨流傳更少矣

兼值經咒館時古梵字漢文四種用烏金紙分行橫書之送往前後印度謹藏而經中漢魏六朝文義僧人未能通悉何從繙譯故先以朱竹君任其事近竹君督學安徽屬和代之

墨海珠林未有涯偶逢奇字苦聳牙三乘妙偈雖能解四句旁行尙恐差當與什公繙祕密兼同神珙辨聲華楞嚴流變華嚴字義學何人得共誇

蕭寂

蕭寂何須遣幽閑得自如清樽蓮葉酒小帖韭花書香鼎春寒後瓶笙午夢餘夕陽聞鳥語吟望下庭除

聞查上舍藥師岐昌訃感悼二首

彈指華年駒隙過竹林游蹟邈山河舊交漸似孤花少詩卷
空留束筍多魂魄有知應悵望文章無命更蹉跎橫溪老屋
依然在藥師為初白先生孫橫溪老屋見敬業堂集欲奠椒漿奈遠何

不分新知是舊知相逢把臂慰相思寒缸夜倒茶靡酒長卷
爭題芍藥詩此述辛巳歲藥師在京時事夏課春帆風格在夏課春帆二集亦見敬業

堂集山程水驛計音遲廿年馬鬣虛封樹歿視何由慰積悲
時初白先生未葬藥師力營窆安事比集而藥師復以病亡

題陸葵翁秉笏吳淞歸棹圖

纔別酒人燕市便隨釣客吳江想見推篷一笑九峯翠滴船
窗

淅淅風吹五兩迢迢水漲三篙回首軟紅香土何由更上征
袍

久羨厠膺浣滌旋看筇杖扶攙從此杏花春雨不須更寄銀

槭槭家本平原內史人如錦里先生計到抽帆時候金臺紀述還

成君家文裕公煙外一痕鴈陣林間幾簇漁罾指點柴門如畫隔溪紺塢層

層有金臺紀聞守歲詩成夜雪先生去冬除還家節近秋颶故里樵兄漁弟

相逢為說相思謂叔子高秋七月八月絕塞千山萬山想遍江村風景何堪更出嚴

關時余將扈一幅吳淞煙水依然三泖漁莊也擬將來歸去蘆灣同聽鳴

榔暉木蘭

七夕有憶

碧蘇紅牆蝕雨癡虛窗孤燭夜漫漫香殘小院穿針會月暗
空階乞巧盤錦字誰傳千萬恨朱絃欲起再三歎分襟便是
明河隔惆悵宵來鬢似潘

早赴古北口

邊月初升夜色開秋霖纔霽澗泉哀鈴聲風動鷹鷂颺葉響

林疑虎豹來上將功名覘衛霍時伊犁將軍參贊相次入朝從臣才藝愧

鄒枚簫笳早見排前隊往例古北口提督統兵排陳於此劍佩常欣接上台

折卜尊丹巴瑚土克圖再世來朝在張三營進見

詩以紀之

拉麻之號古未聞番僧秘密開金源八思巴與膽巴繼法王
玉印當時尊婆羅能切唄多字諸國音韻通喉脣三百年來

稍凌替後出猶說宗迦文至廿四祖遺支分達摩傳法棲嵩

雲一花五葉在震旦其餘各散紀載湮宗喀巴者亦無考後

有兩派傳其真額爾得尼在後藏去聲如寶珠耀恒河濱達喇

更如清淨海莊嚴世界臨羌渾兩支各住五印度其徒有四

領諸髡或名補答善變化倏忽來去無留痕一喀爾喀住遼

左遙識王氣先來賓章嘉入居松竹寺博涉外典兼皇墳三

藏五部有闕佚名詢陳說流泉奔朱輪長轂駐複道時時

進見蒙殊恩折卜丹巴又其一均以六度昭愚菴往年

涅槃入滅度瓶鉢何地招游魂胡畢爾漢忽出世夙慧了了

通前身旃裘君長駭相告坐牀受具驚羣番聖朝威德聳

禁昧異教久已霑深仁流沙萬里不惜遠欲因秋獵朝

天闔惟時日在大火次講武初畢旋六軍羽林虎衛千萬衆

朱旂碧罕指彤雲熊羆麋鹿積大阜鷓鴣鷹隼摩高旻四十
八旗悉踴躍紅黃二教交歡忻煌煌霞日爰間闕和南頂禮
申倦勤被以吉語同春温賜茶賜坐復賜幣呶嘖舞蹈威
儀馴蒙古蕃長驚如神再來夙命超凡塵舉首競進排龜鼉
兜羅綿手摹弗諼鞠臆拜跪除囂諠稽諸往牒從未有異事
振古由昌辰白國先民伯翳記碧基陰羽周書陳簪毫載
記豈夸誕懷柔用紀垂千春

宛馬行

大宛天馬古未聞漢廷得此誇殊勲振鬣長鳴忽超越正似
鷓鴣摩風雲星精未墜太乙況每陋疲駑屯千羣爾來
皇威闢月竈流沙萬里通球珉昂藏逸足亦隨至偉哉闔闔
開麒麟貢入天閑有餘羨奚官示我真殊倫不帶銀鞍并

玉勒牽出當軒皆動色竹披兩耳待騰空風入霜鬣輕絕磧
惟時朔吹漸凋騷知我戎裝隨警蹕豹尾龍蹄絳繚間正
賴神駒森八尺生平羞作儒生僂直控絲鞭跨腰脊期門震
懼鼓嚨啣不獨幽州駭馬客卽今大狩輪臺東風毛雨血
千山同叢林密箐捕狐兔山崖邃壑驅羆熊番君塞主選驍
騎奔霄躡電來朝宗合圍是馬亦馳突欲與騏驎爭英雄方
今太平邊圉靖山林牛馬歸耕農奇材未用亦足樂年年出
入隨飛龍

孫通政虛船瀨行帳中啜茗和韻

南樓秋日短典桓爲遠南樓地斜照明爰間先生輟講幄余亦歸行
廬前峯儼如畫紅葉映遺墟緣崖泉幾曲瀧瀧鳴清渠羸瓶
挈易至敲火安松爐欲嘗雀舌味先聽羊腸車一酌塵俗遣

再飲腥膻除宛然在南屏幽興同樵漁悔昨乞鹿脯漫擬平

原書前日從先生乞鹿肉故云

蒙 賜綠蒲萄梨栗諸品恭紀

扈 蹕承 恩最盈筐拜 賜齊蒲萄榆塞北瓜蔬玉門

西磊落雕陵栗甘寒大谷梨味均金掌露退直更提攜

輓景孝廉雲客人龍

都亭上道感離羣死別誰知此日分秋榜姓名成鬼錄雲客壬午

余所取寢門涕淚憶生墳見水筠臆人去生芻隔筠臆雲客集名柳

翠春深宿草曛不用招魂憑掌夢良常新築待雄文

壓脚星芒入夜垂返生何處覓秦醫求仙空習三尸訣雲客學仙

能終夕琢句終傳五字詩異地飄零游蹟遠全家轉徙買山

遲雲客本籍真州一蕭蕭遺墨芸籤上余廿一史書籤皆雲客所題腸斷

燈牕對酒時

送宋上舍瑞屏維藩由天津歸湖州

菰城山水冠天下石林評泊非虛稱煦鮮結汰聚靈氣勝流

輩出爭飛騰吾生結客遍西浙耆舊第一誇吳興揭來京雒

才十載海珊嚴明府遂成化鶴歸崑崙蓮花莊空曉雲澹姚玉裁玉

芝樓圯秋苔凝茅湘客惟餘石田胡編修彥穎老且病矮牋寫韻棲

林芳吾衰亦復嬾投贈閉門委巷寒如冰城南坊巷近百步

子嗟一見神明增新詞已逾紅錦段長句更作朱絃緝江風

海雨激牙齒珠槃玉敦輝肴烝水晶宮闕秀絕處時向筆下

雲煙蒸懸知諸老徂謝後總持風雅推君能歸昌六翮炫光

采宜與鷓鷯齊鷺升何為遍行不上究霧豹未得隨鯤鵬人

生遇合等劍映文章名節差堪矜翫麟寧甘作樓護勃窣要

在師張憑胷中雲夢吞八九肯與流俗同淄澠秋飈昨夜穿
吳繒朝來取別裁行滕秦川公子尚流宕梁園行客殊殘疏
大台小台接渤海登覽聊足誇惜曹故鄉煙景清更遠曷不
歸翦茆三層楓霜蕭蕭理釣罾葦雪漠漠開耕塍前賢文獻
待結集述作便可垂書牋所嗟傾蓋旋贈策紅亭上道愁難
勝踰伏暫同櫪下馬決起應似鞞間鷹名山著書他日就好
屬秋鴈傳溪藤

聞李貢生憲吉旦華之訃兼訊其尊人繹芻同年集

鴛水西風歎逝波長埋玉樹竟如何青蓮舊館荒蕪盡憲吉有青蓮館

白石新詞感慨多憲吉近工詞常屬余作序塵劫三生終杳渺文章

九命獨蹉跎落花詩識今真驗慘綠年華掣電過憲吉有落花二律最工

經歲文園疾未瘳誰知零落向山邱姓名無復填銀榜詞賦
偏教動玉樓早有高名傾李郭空存清咏敵曹劉九泉悵望
應難盡泣血何由慰白頭

文度頻看著膝前從真一逝最潛然顧况有哭子從真詩身非金石原

難料筆有詩書定可傳思子未須悲短命抱孫好為伴殘年

生平孔李知交舊苦憶閒門繫錦韉

題明莫廷韓小幅

灌木陰陰溽暑天溪亭雙槩綠楊船更題詩句真幽絕吟罷

涼生已是仙此畫作于壬寅仲夏蓋嘉靖二十一年也餘見余撰青浦詩傳中

年少翩翩重弁州詩書畫並見風流僅餘小幅藤箋在遺墨

何因問玉樓

題敬堂太僕所撫穉疇給諫六憶圖弁序

穉疇先生少與金副使江聲共游處雍正庚戌在京師時憶舊游乃繪六憶圖寄副使於古北口一湖堤新柳一讀書吳山仁王寺樓江帆風景一巢湖煙水一鑿江秋泛一雲林松靄山房一艮山門水竹之勝後金氏不戒於火圖成灰燼而先生落藁時敬堂太僕所摹猶有在者因裝潢藏弄金閣學雨叔姓既有絕句以記顛末復屬余題其後因成此作

幽人擅幽懷例多山水玩留連惜知交瀟灑寄詞翰餘事畫兼書晚行付禪觀心迹迴雙清豈復論婚宦自從前哲亡此意誰與按先生清淨身微言師忍繁廿年客湖海偶作金閨彥退朝掃精廬默數舊游讌宛同波斯王前塵耿未斷吳山遠如環巢湖清似練鑿江夕照明柔櫓出葭蕀更愛松靄中

篔泉落西澗城東亞竹居湖上垂楊岸前游墮莽蒼一一似夢幻夙因留藏識故侶感零散殷勤六憶圖寄遠託江鴈境清畫更清未許塵土溷重霄下六丁忽等焦桐爨不聞桓廚化空作秦灰歎誰知過庭人臨樵上緗卷譬諸飛星淪遺影在秋漢翛翛古性情湛然溢縹緗高齋啟巾箱合爪互吟讚鑿楹守遺書漬淚捧留硯况此希世珍高標走俗諺行當貞石鐫佐以寒香薦他時傳藝林定冠寶章選

題張農部懷月齋梅花疎影小冊

香塵寂歷背筠窗踣壁孤吟興未降正是月昏雲薄夜招魂端合倩銀缸

雪蕊苔枝韻自佳更憑疎影作同儕分明對月三人共勝似吟朋伴竹齋

柳漁詩格有誰覘幸見吳綃入畫堪肯與仙源桃萬樹晴波影裏鬪春酣

破墨橫斜幾縷纖圍爐晏坐證香嚴落燈風與江樓笛穩護黎雲下翠簾

和尹相國 賜絢春園紀 恩之作

風煙里近樹交柯新 賜名園佳氣多勝地久聞同鄴杜清

吟又見壓陰何琴樽重啟平津閣園為鄂文端公舊墅草樹遙霑太液

波下直最欣衡宇接執經來往豈蹉跎余所寓瑞園正直絢春園南

輓董庶常東亭

潮

惜別經年意不勝驚聞哀訃自蘭陵生涯寥落同齊贅詞格

芳華近駱丞吳郡書成青簡在時東亭方修常州府志新宮賦就白雲

凝玉堂一瞬華胥夢鄰笛西風更拊膺

柳汀觀稼圖為來殷尊人檀濬先生桂芳題五十四

預

先主卜宅南城南澱江繞郭拖柔藍荒蹊屈曲如螺蚌絲楊
跪地陰籠髮水田十字遙差參歲收一鍾衆共耽土物不獨
宜桑蠶熟梅時節雨似泔銜花乳燕聲呢喃黃麥初收盈石
堪綠秧齊出分瑤簪此時墟巷邀丁男短衣挽脛新泥滄村
歌四起聲微籟江鄉農樂足笑飲中有茅屋疑蒲庵經師斷
齋誦孔聃耽思稽古披陳函帶索恒飮道味醅文場屢戰森
鋒鐔未得玉路馳征驂被褐懷玉貧自甘老去學稼供嘲吟
白斛一擔擔校書東觀追衡譚文昌七宿光芒含下照墨海
波泓涵索米歸養樂且湛華黍比雅真無慚捧來玉誥覆以

盒鸞綾縹軸

君恩覃世榮已愜詎更貪耕畚差喜安江

潭少男風起春雲曇規南規北花醮醮齊民要術夙昔探督
賴催種事頗諳畫作橫卷開芸蟬超然物外同劉惔輕衫小
箠娛清酣兩鬢未覺霜珍珍豈藉弟子扶乘藍猗歟風景洵
可妯嗟我夢寐懷林嵐一落人海行趨趨 紫宮視草當魁
三自顧樗散終難堪思隱有若飢而林逝將歸去依苔龕水
汀煙塢紅杏慙相從好把長鑱鏤

題蔣湘帆摹刻聖教序後

摹揚千年久損神慈恩空說重懷仁丁頭鼠尾爭傳寫誰識
龍跳虎臥真

董文敏山水

淺綠柔藍夏漲時臨摹松雪更無疑如何畫舫尋山客渲染

紅衣作釣師

同曹來殷趙升之陸健男嚴東有沈雲椒初吳沖之

省欽 觀覺生寺大鐘聯句一百八韻

華鐘鎮祇園大可容萬斛前德伎佛成祖營役徒少師督來地
隨毫社移運歷秦灰速之討秋攄奇懷趁日訪往躅沖車遲
會城阿寺聳大道曲東有豐碑蛟螭蟠巍座龍象蹴雲威神屏
方良怪偉圖忽儵健男周遭庖廡錯立枯松榭升駁薛鋪城
階例茄麗榜棟有流鈴曼郎當法鼓震塗毒甫德繡繒內家藩
琳笈中禁軸健男幽響飄迦陵妙香散薦耨雲迥然靈院問屹
爾崇樓轟沖之鼇柱擎坤維鴈堂仿乾竺來風樞呀差參露棋
盤歷祿東上枕腰彎環緣壁脚子健蟻穿窈以深螺旋往
而復雲趨趨筍虛橫帖帖蒲牢伏甫德辨名殊重層取象肖大

腹升其圍四尋餘厥徑三似足來頂為孟體圓身作鏡光煜

之冲重八千衡羸高十六尺縮東積石容廩困量祛越方幅雲

排樂饗餐蹲介篆虹蜺束來昂俄夔首撐瑣碎虬紋簇德哆

張陋釜鬻峙立雉轟響冲有銑復有鉦非錚并非錮升中懸

盧象穹下覆室成覆健熊熊景常歎黝黝色轉沃德煙煜湧

帝青繚繞暈官絲東含霜九芒寒炫日五彩昱升鋒棱沙畫

錐縵理錦交縟來重為遠匝行共作迴環讀健華嚴緝寶函

般若譯珠續雲品經貝葉傳真偈蓮花續冲體變盧佉文語

想釋迦囑前蠡紐危自垂鯨桴怒相觸來雷音走隆隆颯韻

迴謾雲應大昭小鳴中左羽右繚冲豈立號立橫乃滿坑

滿谷升口動氣必宣維空聲斯蓄健警宵分雞籌報午閑魚

粥東旅魂感恫惶山鬼拜踈跼德大地方震醒諸天正清穆

來聲聞豁塵襟喟息稽故牘東主鬯藐辱孫操戈恣悍叔健

時方息龍爭事忽符燕啄升腹心寄齊黃羽翼翦代蜀雲葛

藟忘庇根椒聊使盈翁冲啟疆假以權睨器求所欲東連營

諸將驍入幕一翁秃升識誇瓦墮空計詭壁藏復健飛颺鞬

脫鷹跳突原走鹿雲歌風北方強占繇南國來臨江勢已

成割地議空瀆德國門誼征輦陵闕閃戰燾冲宮中傳披緇

殿上儼受錄東周公輔誰欺和尚誤難贖來紀年付草除鈞

黨窮訊鞫冲著緋表刃趨要絳投筆哭雲詔呼冤哉烹狼藉

弱之肉升株連榜姓名羅織籍家族健兩仗修羅宮列鋸波

吒獄德孰雪重泉冤莫逃一字恧雲魯弓假不歸周鼎遷重

卜來鑄鐵悔六州貢金來九牧升象功愧和平懺禍懲殺戮

有東大慈見應嗔宏願持頗篤冲濁劫經刀兵道場會水陸德

考功庀爾材將作勅其屬健銅調牝牡蘇火扇文武焮冲制

器倕工能揮毫學士獨雲一磔復一波三薰更三沐來幅整

資臨摹環圓試鏤鑿東搏泥外渾淪化蠟中滲漉健封冶長

庚監開鑪太乙矚德瀉液凝碧煙騰輝燦朱旭升咒鱗降蛇

蜿蜒蚌繫殼來審音析毫釐中度辨黍粟德雄梁高引繩

飛架圓轉轉雲大衆歡贊揚羣靈駭馳逐升漫將毅魄招直

使陰魔服東解脫驅三災祈求近百福冲是為有漏因詎稱

無疆祝健元言闡徒勞黑業種已宿雲縱依淨土安終俾吉

金辱妍疚心積孽多彈指流光促東沈埋痛爪蔓倉卒報榆

木健十朝舊物貽萬壽崇基築明代是鐘本貯大內後移漢

西直門外移鐘于寺日俾六僧擊之賜出從紫閣移來近蒼

麓冲聽周釋界干撞選僧彌六德遷徙隨禪緣廢興易世局

東鴛舍藏至今虎分禁自夙天啟中有言寺在帝里白虎分

游覽升之啞廢堆泥沙僵眠蔽樸冲剝蝕更曉昏堙淪闕涼

煥雲摩苔過客憐擲礫游童撲健代已變滄桑物仍寄輦轂

德流傳四丁訛燕邸紀聞云是鐘鑄造及徙置萬壽寺年月

甫氏之呵護六甲肅來景運逢轉輪昌時協調燭健開濟周人

天秉持徧道俗甫選勝闢化城棲真傍靈囿雲挽以干馬車

見法苑珠林貯之萬鱗屋來奏殊辟雍鼓陳比房序玉升帝

臨星罕移聖作奎章燭冲之正覺發顛蒙多生遂熙育東

水源功德滋雲氣吉祥郁來毋愴憑弔情且暢登臨日升新

詩感物鳴用補春明錄甫德

為慶侍衛晴村霖題畫

谿訝蒼厂橫杳靄寒霏積春雨化春泉下灑重苔碧旁有之

而鱗盤拏勢千尺撫膝偃松陰蕭然脫巾幘生平澹蕩心晏
坐息塵役君本蘭錡家仕宦笑執戟雪銷 禁苑晴月澹香
山夕侍從足游觀豈戀一卷石應以竹帛勲謝茲煙水適不
聞安陽叟築堂羨醉白

晉公午橋莊衛公平泉記巖崖疊玲瓏花木森蔽清類皆娛
優閒藉以樂幽邃我師宰璣衡憂勞抒國計七葉雖蟬聯一
畝謝塗墍此景何處來泉林頗幽異得毋賦子虛聊用寄高
致

君從江南來衣帶江南雨至今圖畫閒宛似春江渚煙嵐上
幽襟松竹映芳墅想君傑直餘清夢在雲樹我亦蕭澹人家
鄉接淞浦此圖此景中夙昔曾游處何時共嚶鳴良辰歌有
莫

臘月八日侍直闈福寺作

嘉平月始臨蜡臘時當屆 皇情眷豫游寶地此云邁相
傳浴佛辰爰涉蓮華界丹禁布崇基黃衣別分派寺為黃教喇嘛所居
積雪麗旛幢寒飈激梵唄寧嫌剌凍嚴最喜初暘藹合殿聞
慧香深林起虛籟八葉驗瑞蕝五味飫芳菜璣衡星迴躔簪
筓占近泰是月十六日立春何幸同紫宸朝簪毫預 恩賚

歲暮 賜魚雉鹿兔果品恭紀

臘祭行將舉 天廚已早頒江魚冰鬣壯山雉錦翎斑珍合
殊方產惟恩深內殿班乾清門侍衛軍機房章撤
來供晚膳歡喜溢慈顏京有之部院郎官皆不及也

隨 蹕啟行三絕

明霞一縷上樓臺第四籌中 輦路開父老不須頻灑掃昨

宵雪已淨塵埃

敬念

衣冠月出游兩年分次展松楸推

恩先

看膳黃挂給復蠲租徧近州

每年謁過地方悉加蠲免

陸經

垂楊垂柳映郊原婦稚相攜笑語誼共炷沈檀迎玉輦香

風吹徧杏花村

塗中口號

蒼厓翠壁盡龍虬荷橐還同行外游緣是萬松青不了青峯

寺外又青溝

山徑螺旋曲曲通沙平草軟試青驄一鞭遙指南臺寺正在

浮藍暖翠中

峯頭樹頂雪全消急瀑琤琮響自遙山意似嫌春色澹數株

紅杏出香寮

松杉一徑靜無塵雲笈珠林總淨因知是法門原不二辨才何必論全真

入盤山

地是田疇宅人傳李愿居喬松千萬樹蒼翠接鑿輿鳥語

風初暖泉鳴凍已舒天香知路近香氣滿清虛

千相寺

圓通在聞思究竟絕行相云何寶刹名舉象令瞻仰象行且以千糾紛恐難狀不知千卽一妙義本同量至人肅春巡濃露滴青嶂綠葉互參差碧雲更清曠悟此非無色莊嚴儼相向星斗天宮尊波濤雲海壯兼雨曼陀羅隨風任飄颺乃知空不空法界實宏暢禮罷出珠林西風送梵唱

經天成天香諸寺有感

野店荆為壁山樓石作梯經聲松磴北幡影竹壇西絕頂高

鯨甲名鯨甲一寒蕪襯馬蹄謝公游賞地詩句忍重題夢文子先

生舊有盤山諸詩最佳

水月禪林

本是烟霞徑云何水月名石孤疑獸立湍急亂禽鳴寺向山
幼轉人從樹杪行童真應住此香海有同情

李靖舞劍臺歌

韓擒宅相非常流孫吳兵法王佐傳南平蕭銑定江漢北伐
頤利清邊陲西吐谷渾又奔竄信以勲業昭神州從征高麗
詔不許安得挾策為東游高臺峩峩一千仞傳有靈蹟當中
邱藥師生平未曾到此臺傳說無因絲我念其人本倜募入
關有意干諸侯手攜紅粉獨夜出大索十日方窮搜目瞋語

難誰可託避世不惜來并幽東西相隔路殊遠太行北去尋
田疇曼胡短後行閒道毛錐已棄攜純鈎風塵僅有三尺仗
道路安得千金求攬身拔鞘白日動奮袂斫地青雲愁十盪
十決意氣壯再接再厲神明迺迨矜奇固已重薛燭妙術儻是
傳莊周瀏灘竟作渾脫舞莫辨左右旋而抽迄今林木尙振
厲有似雷雨翻蛟虬鐵山湯冢已頽廢勝事乃復垂千秋方
今 聖武被遐裔西極月竈輸琪球龍韜豹畧尙姑置還
戢弓矢橐戈矛常山為帶渤海繞安用突鬢兼蓬頭我見虎
賁亦脫劍望古長嘯風颼颼歌終日暮霞采上疑有星光貝
氣空中浮

喜李南澗文藻過訪

喜聞展齒到唐塗捉麈清談忘日晡捐俸祇希書到手寫經

不惜汗霑膚君來寓中手抄惠氏明堂大道錄勝流共許豐年玉郎鑒真同
照夜珠觸熱豈堪行萬里秋風取次動高梧

再過文莊公舊第

地是平津閣人推履道坊蒼藤秋落子青果晚含漿宅中藤花蒲葑
最絳帳終蕭瑟沙堤漸渺茫何堪筆馬策更憶讀書堂

悼亡十二首為芸書作名湘姓陸氏九歲來余家善事錢太夫人事余生一女病起

宿火殘香掩舊扉海山何處叩音徽青槐樹底深深屋誰料
西風捲素幃

罷繡苓牀月似銀天寥詩卷最清新如今真似秦齋怨碧簾
寒香鎖病身芸書畧能識字愛誦葉天寥秦齋怨及湯卿謀湘中草不知遂為今日懺也

數椽精舍對花開時看花前點屐來秋菊滿庭秋草碧折花
無復踏蒼苔

授記分明似玉耶筆牀鍼管稱宜家誰知一掬萱幃淚又灑
湘屏頃刻花

如幻如塵已十秋曇花零落付寒流傷神最是平陽小軟白
衣衫拜蕙幃

烏啼珠斗夜闌干蕙帳蕭蕭掩玉棺悵望薔薇花外路一燈
如豆隔牕寒

買花掃塔證人天暫結三生未了緣一卷金經珠髻畔慈光
願似鏡光圓斂時以小本金剛經及菱花鏡安置其旁

初利良緣未有期見功德論橫牕梅影費相思見窈風暄冰淨
真難狀誰省楊雲絕妙詞見震川集王氏畫贊

紙閣蘆簾絕點埃天寒翠袖獨徘徊開箱簇蝶裙猶在疊雪

香羅惜剪裁

上直瑤階日影遲偶翻石墨淚如絲那知腸斷鷓鴣波帖已是

秋牕永訣時是日因神觀尚清襍被入直會直廬有三希堂帖信手繙得趙松雪書一冊內皆為管仲姬懇

中峯大師作普度法事閱其情詞懇至愴恨久之詎知芸書即于是時化去豈神明已先告耶

羅帳春寒擁翠釭思家話舊意難降斷魂休作還鄉計路隔

長河又隔江芸書臥病時屢有還家之志故云

金蟾鬢鎖對斜暝寂寞簾櫳響不聞可是童初宮闕裏雲軒

隨侍魏城君謂鄒孺人也

中秋前二日夜雨

瑟瑟秋中雨幢幢夜半燈聲兼殘葉下影與落花凝夢似初

昏月魂如欲斷冰此中蕭寂味已是住山僧

屋鼠飢還響秋蛩冷不啼可堪人寂寂更聽雨淒淒亂竹捎

簷重濃雲覆戶低斷行今夕鴈何處覓雙棲

中秋有感

明河秋淨不勝涼露滿虛簾月滿廊清淚至今無可滴背燈

淒咽似寒蟬

已是臨秋不耐秋更逢三五月當樓冰娥莫現團圓影只替

方諸作淚流

侍娘收拾紅妝粉小婢新裁白練裙縱使西風吹短夢夢中

相見亦如雲

校獵秋山萬騎鳴論文瑣院一燈明移家幾載京華住人月

何時得共清余以戊寅入都已卯庚辰壬午分校鄉闈癸未甲申乙酉從獵木蘭中秋在家惟辛酉及今歲

耳

清宵無復共嬋娟香霧雲鬟望渺然縱使已成奔月去也愁

風露冷瑤天

蠅蝟冒戶晚沈沈窮子迷家淚滿襟母老家貧兼女幼不知

何處覓安心

李後主悼亡詩空王應念我窮子更迷家

雨效李義山

已訝崇朝合仍教入夜聞灑分湘女淚行伴楚神雲隔竹彈荷蓋粘花濕蘚紋謝孃衫袖潤小閣薦鑪熏

十六日曉徵升之諸君招飲醉歸有作

碧海青天恨正長相隨舊雨促行觴已悲取冷同荀粲終賴銷愁對杜康壁月未虧前夜影金飈漸似暮秋涼不辭投轄從轟飲好向華胥覓睡鄉

送邵中允蔚田

嗣宗

乞假歸太倉即題其垂綸圖小

幘

槐街秋暑繁未覺秋風冷何為澹宕人先已謝朝請知君十載來幽思江湖迥撫絃愛吟月論詩慕思穎不待尊絲長早擬放煙艇

家近桃源涇桑麻散邱墅雖無嵐翠濃雅作煙波主長歌歸去來日逐樵青侶宛如偶海翁幽居署江雨軟紅十丈塵何由拂巾屨

賀下不賀上昔賢有遺則不見兩文忠辭榮耿胃臆廬陵終未歸陽羨竟何及喜君脫朝簪荷衣已先緝拏舟謝古人臥聽蘆中笛

香餌非可求直鉤本無用難進而易退此誼古所重矧君擅三長椽筆活鸞鳳考史搜志傳君向充續文獻通考館纂修故云聲詩協雅頌報國有文章漁父已可誦

憶昔佳月時煎茶共試院披襟作槃譚永夜風燈眩紅亭忽
分袂夢逐歸帆便此行世所稀高情照江甸應有好事人繪
畫滿團扇

重九前二日以菊酒送升之兼侑以詩

殘秋似早秋連晨剩微燠昨宵雪雨過始覺秋意足令節近
重陽應共展遐矚登高苦無緣迹比駒局促西山修眉長堪
笑熱官熟先生中書君退朝等休沐燈火晚青熒何以佐夜
讀聊分長瓶酒兼致瓦盆菊菊早尙含苞滄酒亦新漉殷勤
贈石交臭味取清馥想當掩關暇采采定盈掬舉杯一中之
企脚北窗宿醉餘有微吟示我尙能續

重九陶然亭小集

秋寒漸緊秋陰薄滿地秋蕪雲漠漠城南煙水欲生鱗風颺

蘆花如雪作先生退直無所之得得隨行且行樂斜日橫堤
正莽蒼荒灣斷靄空寥廓黑窰廠北有招提殿角郎當振疎
鐸驅車一徑上陂陀古寺層梯得珠閣東華已少軟紅飛西
嶺遙看眉翠約意行攔人酒人場聊爾銜杯共醕酌裸國羣
游未足誇老兵呼飲何須作坐中忽致兩明童宛轉清商間
絃索絲竹中年感慨多煙霜晚景情懷惡歌殘紅豆已萋迷
泪掩青衫還寂寞歸路相隨古樹鴉寒更愁聽巖城柝生涯
何處覓陶然獨臥蕭齋燈燼落

查同知恂叔

禮

招坤一魚門康古升之健男來殷鑑

南諸君集澹安廬看菊分得五言古詩卽仿坤一體

霜晴秋日暖壓擔霜花腴招邀作重九賞玩齊賢愚幽華似
高人可敬不可娛有酒雖如澠肯與俗士俱今夕信良會寒

繫照繩樞刻藤白於雪灑掃十笏廬繞廊百本花瘦絕真吾
徒人已澹如菊花影爭扶疎間以曲室語一一妙貫珠惜君
美雨膳未稱山澤癯請借劍南詩為花洗煩紆從今斷火食
飲水緜仙書末二句放翁梅花詩也

宋謝文節公橋亭卜卦硯為恂叔作

歙溪一片寒於鐵傳自弋陽謝文節其修一尺廣僅半正氣
稜稜迴不滅上有題識字云是橋亭卜卦時所置旁有銘語
鑄云是窮餓不食守義賢硯旁鑄程文海銘云此石吾友也
石堅誰似當年採不食而堅語有之人比如石不如
薇不食守義賢也嗚呼謝公風節真雷頤上書傳檄何堂堂
提攜此硯閱寒暑哀哉宋社仍滄桑團湖坪前鼓不起飄泊
垂簾建陽市海陵風信溯江潮天意寧容論卜筮想當變名
姓遁迹茶板間蟾蜍亦淚滴相對含辛酸乾坤否泰未可轉

明夷獨自貞艱難石田可耕等採蕨頑民誓同此石頑何人
創議徵遺士飴甥廝養今誰是江南豈復有人材草屨麻衣
欠一死攢宮拜哭秋草珍木波禮謁同朝參指南有願竟未
遂翻幸此硯留天南靈旂歸來風雨怒十丈崩濤夜奔驚蛟
螭拏攫鬼神扶洗濯良材出煙霧硯左有趙元題字云明承
樂丙申七月洪水去橋亭
易為先生祠掘地得之何年輾轉來燕陲月東畸人欣得之星芒壓脚
贈石友什襲珍重伴槃彝硯近為津門周上舍月東所得寶
玩特甚及病亟命其子走數千里
至粵西致硯於恂叔酒闌眎客誰敢把古色蒼然照杯斝清墨應揮思
肖蘭臨池肯寫鷗波馬曹娥碑下塵冥冥重吟采石悲零丁
雲根瘦削堪千古如見西山疊疊青宋劉如村紀謝公詩有
采石吟成期絕粒及千
載西山疊疊青之句蓋公於興國軍安置時因謫所
西山層疊自號疊山故也見元李道源謝公神道碑

題坤一墨菊

紛紜互高低漠漠亂前後藤牋二丈餘墨瀋淋漓走摩沙巖
幽香感歎不容口微霜吹東籬象外本難取模胡月印牀宛
轉燈移牖稍足見天真落墨率已醜惟君契忘言筆下淨塵
垢疑有楚騷魂揮灑動跟肘我聞彭澤翁采掇盈座右無人
送酒來寂寞作重九今君拓筠窗文几列尊旨招邀寫易侶
槃餐等翦韭妙作炙轂談快瀉新蕩酒對花更寫花清絕兩
無偶宛如煙霜中遇此眠雲叟持螯尚嫌粗肉食更何有
許無絃琴寥蕭日相守此間形影神妙意孰能剖未審會中
人多似柴桑否我詩愧木桃詎可望瓊玖幸值秋殘時楓杉
集雅曷叢叢小金鈴依然發蕙畝擬呼冰雪朋涼夜覆大斗
再斲拂蚶蛤佳約幸無負

十月校武進士於

西苑侍直恭紀

禁籞掄材馬步同 紫光高閣敞晴空雲開褰鄂丹青壯日
映蕭曹劍佩雄百丈毬場弓似月八旂羽衛氣如虹生平枉
負終軍志未及西陲戡武功 時畫平定準夷回部諸將帥像首輔第一

送來殷給假南歸

冰雪將殘暑風沙薄笨車頻年依 禁闕此日指鄉間入舍
親溫清登堂問起居喜同諸弟子安穩昇籃輿 甲出士書
聞說長洲老年年笑口開尋山仍命權話雨更銜杯物論尊
耆宿時名接斗魁計過通德里納屨共徘徊 兼訊歸愚先生
屈指知交久論心氣誼投聲名稱二鳥著述命千秋小別仍
悽惻重來待唱酬征途豈岑寂李郭正同舟 時與趙少純乘淵同舟
四九年光盡三千驛路遲去應霜滿鬢到及柳垂絲北郭欣
攜手 謂鳳喈企晉 南陔樂介眉獨憐羈宦客上冢更何時

題趙雲松耘菘圖卽送之鎮安守任

庾郎鮭菜二十七獨好春韭遺秋菘豈知霜根味佳絕綠葵
紫蓼難爲工算縉雖堪鄙王奭佐饌正足資周禹郇公食單
但肥膩未省玉糝逾燔熊我生夙具藜藿腹畦稜喜見抽新
叢壘鹽百甕債未畢花臺手摘香蔬豐何期邠卿有同好學
圃思趁晴泥融家鄉回憶環堵宮梅坪竹塢地數弓白鷗三
兩忽飛下石牀曉坐冷然風鳴簷疎雨昨夜過坼甲出土青
茸茸傾筐無煩送園叟分種贖欲求鄰翁翰林主人本蕭寂
灌溉差足催連筒今君擁傳百蠻裏虞衡桂海物產充釣絲
竹搖嫋嫋細燕支木染斑斑紅蘘荷藟芋備採擷官廚豈復
呼鞠窮獨憐餞行近餞歲寒菹臘菜徂殘冬元修戲語定何
日展卷不覺心憂忡願君推此勤劬農青榆一樹百本葱民

間豈可有此色制令當與蒲亭同任棠拔薤安足法慎勿束
濕驚愚蒙

莊滋圃先生

有恭以福橋見貽有作

嘉貺來南海開緘奉北堂傾筐珍滿席濺齒潤甘漿公紀懷
堪慰靈均頌可忘咳蘭慚未採臘酒喜同嘗

送朱子穎

孝純

復任東川同知

信美西川尹羣推北地賢甘棠春聽訟香稻曉行田輿誦巴
人曲郵程楚客船閒官風味好須報故交傳

君詩有官卑須報故人書之句

云故

小除夕追悼芸書

西風吹雪暮紛紛死別經時歲又分竊藥已知隨月姊採蘋
何處薦湘君重帷燈火疑留影小閣香煙欲化雲腸斷去年

中酒夜墜釵聲向隔簾聞

遂成 題畫冊

茅屋明殘雪杉林帶晚烟山僧除夕近催送佛燈錢
雲深燕子龕雪霽蓮華界松影滿幽窗月向東峯挂
嶺斷寒村見林枯宿鳥稀溪邊藥若侶兩兩扣柴扉
朝霞映石林秋水通江步一逕落松花清香浥巾履
寒扉紅樹裏清磬碧雲間石逕無人到幽禽自往還
清曉楚山寒殘僧尙孤坐微聞蹋葉聲遙識麝麈過
藥嶼條條水蘋窗冉冉風似攜竹葉酒來對菊花叢
村煙竹外生漁篋蘆中響渡口小船橫知是秋潮上

楊芬港卽事

雨後春潮漲綠波別開花港似銀河層層臺榭聞絃管處處

香燈映綺羅才子試歸分橐筆時召試侍臣退食共鳴珂

昇平韻事天然勝并人明良喜起多獻賦諸生

望水西莊追悼查心穀先生爲仁

北郭人何在西莊雪昨晴春雲連 禁籞野水上柴荆時命

誰能料文章晚得名十年成宿草悵望不勝情

早歲功名薄中年樂事豐臥游牀上下把釣水西東花藥三

間屋謂其弟圖書一畝宮試茶兼鬪酒料理有明童

更有蘭閨伴齊眉復比肩山林耽韻事風雅作因緣獨坐聞

吳詠分題擘蜀箋芸書閣今已巳人望想神仙

盤敦聲名久舟車雅集多青燈畱客住謂杭大宗厲太白瓊

喜僧過高雲上人日旦歸前夢風流付逝波少微星隕處誰念碩

人邁

題錢方壺先生

桂發

歲寒三友圖

曉徵
尊八

日暖南枝破紅萼蒼雪紛紛捲疎籜鱗鬣之而五粒松秋濤
 風鼓殷千壑歲寒三友古所稱畫評最數黃華作黃庭筠有
歲寒三友
 圖豈知異代有同規冰雪襟期謝炎灼家園本近練祁湖碧
 浪激如上下箬五畝田收杭稻豐數椽屋老藤羅絡井里羣
 推王彥方詞章雅重唐文若桃李新陰在鯉庭楂梨嘉譽傳
 芸閣去年襍被來京華行李蕭然縛雙屨閒尋古寺肆夷猶
 小覓鄉朋共嗚噓入舍方欣愛日長趣途肯負還山約耦耕
 命駕事西疇隱几忘形等南郭風絮閒門掃綠楊粉香小圃
 圍紅藥非無翠苔舞迴綺亦有青棠倚疎箔先生素尚獨孤
 清臭味差池遠叢薄水邊竹下愜幽尋臘尾春頭高寄託茸
 帽枯筇得得來未厭年光尙蕭索梅花似玉映微霜冷蕊疎

枝全戍削竹窠如蠶趁長飈亂葉交柯爭拂掠蒼髯老叟互
 輪囷元氣淋漓走龍夔命侶真疑一笑同論心欲證千金諾
 結隱情懷冷似鷗耐寒標格清於鶴我昔拏舟拜德公白板
 雙扉遠塵漠耘鋤漁樵半橫斜史籙書箱互參錯酒兌餘杭
 清醞醇茶分洞芥寒泉瀾不須符子王一邱已見榮期獲三
 樂今觀此冊倍蕭森畫法居然妙皴皴樂志從知擅後彫放
 懷信足忘豐爵躡屐寒披巖子裘提壺晚就陶公酌儻容撰
 杖比奚童相隨欲試游春脚

題山陰閨秀駱琴風繡餘學吟

本姓胡
名慎儀

秋河庭院蔚藍天甲帳羅襦駐鳳輶

曲紋窗清似水玉鳧

香膩擘瑤箋
 翠蘿濃翠接眉棱門第清華本駱丞梅嶺煙霞珠浦月江山

點染入溪藤

先是從其尊人幕游越中江右

綠淨流傳絕妙詞

許德音

西冷才藻藝林知

方芷齋

南樓近刻苔

華玉

徐若冰

大雅扶輪屬總持

不將檀畫鬪濃妝經卷書籤滿石牀退直歸來同寫韻分明

仙侶是劉綱

題蔣甥瑞應雲師夜詠圖

龍門百尺桐渭川千畝竹引露既亭亭含風更肅肅移根入
邱園並植近林麓譬如隱君子攜手結遐躅迴塘清且寒芳
草萋以綠逢秋漸蕭森入夜轉幽獨惟應澹蕩人清坐理篇
牘吾甥靜者流麗采照南服昨來試春官龍文扛百斛方當
躋天衢豈復戀家塾何為尺幅中雲嵐互迴復彷彿玉屏山
江鄉連滬瀆看竹寄高懷據梧邁凡俗懸知行藥餘劇愛挑

燈讀爐煙寒更颺茶響晚漸熟涼宵風露深微詠尙未足頗
憂童子癡屏風定誤觸子才媿師川吾衰甚山谷少游翰墨
場已類蟲蠹木敢誇老識塗差喜光炳燭寓齋近城南槐樹
覆高屋久擁百城書愧彼八州督却逢長夏時退直便沐浴
行將持一卷相與度三伏春容待叩筵討論妙炙轂如希枕
膝傳微言猶可錄

晚至熱河

路是三義舊人經四度來桑麻增鴈戶烽火絕龍堆雨霽河
流闊雲高晚色開今宵欣卽次好與酌村醅

七月二十九日為芸書忌日蓋謝世已經年矣風雨

感懷因作五絕

孤館蛩聲夜夜添紵衫涼透晚風火半牀殘燭千行淚恰伴

愁霖下草簷

欲擷蘋花薦楚筵京華回首隔蒼煙遠行上直離家慣薄倖
今年似去年

頻年別淚滴羅衣盼我龍沙一騎歸此日秋山千萬疊香魂
何路望金微

寥落秋光逢小建淒清夜色報初涼夢中忽到青苔院芸葉
香塵滿簟牀時所居已為藏書所

玉露銀河閨早秋穿鍼人去冷香篝斷腸風景今年甚兩度
銷魂乞巧樓時閨七月

再度穿鍼節雙星望儼然歡仍留卜夜別不待經年玉塞八
千里銀河月一弦高樓瓜果會惆悵碧雲天

興州客舍臥病無聊因憶袁中郎云天下聲至清者
惟蛩聲雨聲茶鑪聲耳今秋多雨蛩聲達旦而奚童

供茗至午夜始絕火欹枕獨聽差足破寂乃各系以
詩

窮塞抱微疴清秋軫暮節孤鴈尙未來寒蟬已先絕誰同伴
沈寥砌蛩最蕭屑臨風忽纏綿隔雨倍悽切知我苦悲秋微

緒無人說幽幽訴棲遲耿耿話離別似彈獨繭絲三歎心如
結轉恐微霜零清宵漸鳴咽蛩聲

鍾峯落秋泉其味寒且硬攜來瓦鼎烹松風動孤聽潺湲杳
莫窮颯沓仍難竟稍聞羊腸迴已覺蟹眼迸故人況好事苦

茗屢移贈倪閣學敬堂以龍井茶相饋小殿破微寒餘香入清詠石炭火

未殘竹鑪煙欲冷我方契聞思不礙禪心定茶鑪聲

秋雲起松巖秋雨下苔石疎疎濕牆腰劉劉墜簷脊似同敗
葉鳴迴使寒更隔灑簾密復疎人戶斷仍滴晨雞咽未啼秋
蛩亂還積孤衾生薄寒夢醒愁難釋遙想鳳城南虛堂掩籬
夕孤燭話巴山西窗耿淒憶雨聲

十二日夜

颯颯風初勁娟娟月漸盈山深湘簟冷夜久藥煙清村犬隔
雲吹秋蛩浥露鳴不眠聽曙鼓誰識此時情

噶顏哈達

噶顏蒙古古語謂古戰場哈達山也

哈達鑾天翠傳聞古戰場山形俱拗怒雲氣尙飛揚世遠鯨
鯢絕林深虎豹藏封尸何處弔京觀久蒼茫

重經雙黃寺

疎豁 行宮地重來恰五更山雲寒更薄秋月曉還明隔塢

人煙遠依牆戍火明紅闌臨石澗永夜響琮琤

二十六日永安拜口曉行

殘月低墮帳清霜凍馬驕嶺紅昨放燒圍中八月盡草枯遺
火所燒光燄經宿不
息俗謂嵐白曉炊煙路入圍場近永安拜口至鄂爾吉
庫哈達僅十一里旗分
獵陣圓唯聞九曲水嗚咽似秦川

九松山

一點青螺小傳聞名九松長風吹落翠遙映碧芙蓉仄徑透
池度寒流宛轉通下山山寺近數折亞牆紅

為瑞應悼亡

頻年慣作悼亡詞淚灑瑤琴獨繭絲忽見羊曇傳怨句江南
又度落花時

長紅小綠拂秋千漸近清明冷食天十七年來如夢裏風吹

笙鶴送雲軒

芳香明鏡定何如無復秦嘉上計書苦憶瑤華相別處涼風
庭院菊花初
誅茅卜宅計纔成畫裏移家喜共行誰料竟成歌哭地辛夷
如雪撲簾旌
牽蘿舊事淚霑巾紙閣蘆簾令篔簹記取贈錢營奠日辛勤
莫忘斷機人

哭張策時一百韻

夙因如飄花往事似轉轂俄看執友亡彌悼浮生促七日奚
由蘇百身詎能贖惟君生瀛壖靈德氣所蓄輪囷鬪肝膽爽
颯露眉目百尺龍門桐孤生泰山竹丰規冰含稜意氣矢厲
鏃絞直紹杜根俳諧陋袁淑大欠風刁調雄譚泉濫沃文披

錦十緜詩瀉璣千斛倚聲仿碧山演雅記華谷羣誇跣地才
造物使自獨聲華二十春青衫蹇場屋頗同厄閨楊誰重荒
年穀四壁空長卿一錢窘元叔繩樞翳蓬蒿黔突斷饋粥俛
首趨庠黷低眉課門塾甘從樂社構肯乞監河粟饒或市豬
肝張豈畏羊肉枯鱗涸蛟螭逸轡蹶馴駮孰容運海鵬坐繫
摩天鵠聲因不平鳴事以有感觸淒鏘伯玉琴蕭瑟漸離筑
擲帽呼臬盧飛籌倒醞醪釣思巨壑鼈抱厭故山犢攫身辭
東吳放脚走古服花穠蘇公堤龍濺嚴子麓白鷺凌秋濤金
鷄眩晨旭楞巖登巍壇君有楞巖壇長歌甚奇偉桐柏瞰祕錄靈湫乖龍
都古蕩羣鴈族勝踐開心曾清游解顰颺終如豕負塗未見
鴻漸陸前年登鄉科昨歲始朝祿橐筆依編扉校書整衣襪
吟成四座驚文出萬人伏論事稍軒昂檢身益拳跼薄宦謀

蓬鹽冷官混聿牘空憐蟻銜羶自歎蠶綴蔟憂終能傷神性
况輒忤俗懸牆影驚蛇入座賦傷鵬藥無仙島芝餌乏秋潭
菊冉冉芳膏煎悠悠年歲感我惟古誼士執雉等圭玉取茲
耿介性可殺不可辱捐生全其仁致命遂所欲崢嶸方寸間
獨行砥庸碌末流多澆忍一生徇禍福闕然學媚世蝸角等
出縮豈知伯始徒糞土為世謬嗟余本畸人矯志刮詔瀆締
交遍江湖涕唾眎時局與君契忘形龍象並踏蹴氣協磁聯
鍼聲諧圍應祝好修集芳菲植行勵澡浴道古誓激昂研經
恣往復吟場操敦槃文戰擁旌纛蛩墜爭負趨夔蛇喜追逐
墅寒聆宵霖君寓吳氏遂初園最久巖響攬飛瀑乙亥君讀書寒山別墅雨刷山
眉青春回湖面綠嶼風芟擢香援雪梅破馥豪習吞八九勝
侶締五六謂企管鳳階來松溪並榜行桂館翦燈宿拍肩笑

之而連臂互彳亍曹騰醉更醒跌宕歌兼哭哉合色每飛睽
孤意逾篤馳訊罕虛句寓書定盈幅响沫輒相存箴規尚交
勗歲憶在敦牂我方忝校錄仰觀五緯星俯映萬枝燭拆卷
唱君名滿堂喜驚爆惟時文莊公踐斗莅鼎軸清標激廉頑
厚德幹亭毒辟如攻玉工伐山採精璞後堂引彭宣前席奉
吳育自從乘騏驎神道拱宰木今君游清都庶往躡仙躅金
液問方平玉樓叩羅郁咎鳳升高旻騎鯨謝昏黷矧自來京
華聞已學乾竺閻浮等塵沙賢刳比眇胸覺空從此超滅景
安所浩習氣斷瀑流幻軀釋桎梏所悲同岑人鮫珠瀉盈掬
念我初別君新秋掃澗溲園中隨和鸞塞上待卽鹿初訝稀
書函再聞困牀褥維摩疾偶嬰羅什咒堪祝何期匿膏肓遽
致啟手足脈真驗赫然候果應禾熟豈因兩鬢華遂致一棺

束魂從厲神占數味季主卜大招陳餒饜小斂具湯沐官同
殘夢短壽比浮漚速志寧遂鱸尊祭已奠魚菽家憑健婦持
書付嬌女讀受弔乏敝廬歸衰剩破籠透迤水堠遙颯沓霜
飈肅酸辛遍親朋哽塞逮僮僕牙絃輟孤聆郢聖想同副告
哀不成章聊以訴衷曲

瀛臺觀冰嬉

元冥應節陰始凝液池百頃初含凌水晶宮闕銀世界琉璃
影徹光層層頻年歲暮習勁旅測量先 命遣疑丞雞人
待漏報將曉霞霏隱明觚稜西華門開啟 鳳蹕靈沼一
望清而澄京營卒伍本驍武此更妙選神飛騰結裝不用組
甲麗逸足要試冰鞋能厥形如履齒如屐束縛只藉雙行勝
毬門前後夾侍立彎弧似月絃將絙拖牀柳下小於舫周遭

御幄張吳綾我

皇祀殿視事畢亭亭黃繖從中升一

麾盡出鬪身手追風逐電相憑陵或同鴈行列橫陣或等魚
貫懸長繩迴環依稀旋磨蟻決去恍惚離講鷹左射右射互
揮霍上舉下舉紛因仍挽強命中入 睿鑒羣喜綵帛隨

行期 本朝定制勤肄武詎使清宴恣矯矜燈宵欲陳布庫
戲山寺屢見堅礪乘嚴冬復此騁絕技但覺勇氣如川增二
十四旂尙未竟明晨更看流飛矰

送查恂叔出守寧遠

詩人例作入蜀詩李杜放筆攄雄詞石湖劍南兩繼之漁洋
後出窮研思水厲山刻分豪釐天彭井絡天下稀形勝絕險
名坤維瞿唐雪瀨蟠蛟螭劍門煙莽藏巖巖荒忽怪偉騷人
悲瀘山地更鄰邛夷葛砧鏡天爭嶮巖叢菁密樾相蔽虧金

沙之源清且瀾瘴雲忽起香葳蕤番民錯處稱難治漢唐設
 衛空羈縻今君叱馭雙旌麾沿河歷陝經梁岐九盤關險路
 迤透入疆威惠兼所施均田行水稽耘籽講堂石室餘荒基
 日撫耆幼同嘔兒循良媿古應無差矧君昔莅邏水廩其俗
 祀蠱崇神襪含沙中人瘠生肌精夫蠻里紛苗黎蘆笙銅鼓
 戛且吹如牛榕葉濃陰欹蜚煙毒雨迷晨曦君也服息安常
 規神全有得心熙怡朱顏紅頰松筠姿輔車雖落無勞疲君
 太平被瘴病發頰頰時飲獐酒甘如飴獠刀潑眼光流離醉
 間齒落者十六七君常招余小集出獐酒飲客色黑舞酣琢句
 後起舞驚魑魍而甘又視所藏獠刀銘可刺髮舞酣琢句
 星芒垂知君邊徼無不宜此行詎復愁孤羈邇者么膺煩
 王師將軍前日臨滇池軍書旁午來綿虎調發勁旅徵熊羆
 火龍之標試發機兼以萬匹追風騅馱運更復須犛犛檄下

郡縣疇敢娛筦庫分給于朱提用備萬里軍行贊自川入滇
 分兩遠建昌畢節屯行輜是時大兵進勦緬甸調成都駐防
 餘運送雲南又自川至雲南皆取道建昌總督阿爾泰以一
 路行走恐致擁滯請從建昌畢節分道並發川省火鎗有火
 龍標者最為迅利提督岳君往董率紆籌咨肯以儲待勞鞭
 鍾琪亦請送往雲南備用君往董率紆籌咨肯以儲待勞鞭
 答風梳雨櫛頭蒙俱蜀賤雖好如凝脂遑暇舒嘯同平時力
 與前哲相追隨君言夙昔本好奇盤根錯節始見知脫穎而
 出囊中雖此行正值功名期安事摘句尋章為煌煌太乙懸
 蠶旗遠眺大劍連峨眉都亭日落揚秋颺上馬揮手西南馳
 送胡雲坡季堂赴慶陽新任
 星郎才望久翩翩出守欣聞 詔旨宣鼓角千山迎紫蓋風
 霜五夜上花韉沮渠蒙遜經營地禿髮烏孤戰伐年多少英
 雄遺迹在知君詩興快行邊

送畢秋帆赴鞏昌道任

金鴉麗元枵感發振萬竅颯颯枯蓬飛晶晶積霰耀君奉尺
 一書裹帷屈番微雖誇直指榮詎免離緒標憶君通籍初慘
 綠正年少我亦纔三旬聲華各驚爆心知媿苔岑奚用贈紵
 縞我上春官第南歸仍瑁璫君也入紫微簪筆掌墳誥風波
 兩葉萍豈意共鋼芎同年復同官並典 溫室詔駟驢每偕
 行夔虵更相笑君本蓬閭姿公卿互傾倒均律叶笙球薦同
 贊圭瑁長離翥慶霄鷁羽但俯覘果看一鳴驚豈弟神所勞
 由茲躋春坊兼侍 講帷傑譽望侔邢禹官聯等華嶠木天
 本蕭閒談藝悅同調春秋劇招邀巾車屢請造未嫌次公狂
 見喜長卿傲同時十數君翰墨盡高蹈謂坤一宮詹曉微學
 上升之舍人諸君
 相將梯岑樓遠嶺黛如埽樓旁槐柳疎落陰亂旗纛依稀初

白庵往躅猶可弔咄嗟勅中廚菹軒愜同好君雖小戶飲頗
 識酒中要醉鄉樂既長觴政舉必妙開櫛指酒旗爛爛星影
 掉夜闌再分題鬪句競噉踟一年三四會斯樂誰可料朝來
 忽分張話舊祇悽悄秦川古西陲隴塞極甌嶠天垂井鬼芒
 地阨雍梁隩鶉火氣所鍾故俗尙彊護自來戰鬪場雲沙亦
 排鼻長城高截天洪河遠連澳羌渾恒雜處桀黠慣寇鈔唐
 宋詫窮邊軍屯列井竈韓范數經營旗鼓萬旅諫邇者
 皇威宣天山儼堂奧鳴沙床穰間人物被聲教遺風迴敦龐
 夙習刮雄鷲比年更屢豐村戶富廩窮厥田維上上黃壤鮮
 龍澇清波暨碧雲渠流足利導今君坐堂皇何以計息耗首
 先重興甿次迺塵詰盜苟蕲地肥開不埃陰雨膏勿與睽眠
 徒束濕事陵暴庶幾孔君魚前徽定能劬此邦况仙都圖經

久垂號吾聞昌黎言山厲水刻峭又聞蘇文忠九十九泉繞
仇彝百頃餘覆壺瀉懸瀑清虛小有天福地豈難到佇見簿
領閒往遂知仁樂青蒼攬春嵐殷紅望秋燒洮河水玉研潑
墨寫幽眺寄我黃金臺開牋一舒嘯

[Faded bleed-through text from the reverse side of the page]

春融堂集卷十

青浦 王 利 德甫

勞歌集 戊子

題曹來殷難燭脩書圖

紅袖娉婷傍葯欄
紉書靜夜灑銀翰
共知徐庾詞章麗
更訝尹邢格相端
八字梳成雲嫋嫋
五銖衣薄珮珊珊
持裾差覺蒼苔滑
剗鞞遙憐碧露溥
宮燭金蓮移短檠
名香寶盒薰旃檀
穿檐月自窺雙笑
繞砌花宜證合歡
坐倚藤牀書匱路
迴蕉檻石嶺岢妝
殘祇益低鬟媚
秋冷還添半臂單
蚤識待年占命合
好逢當夕佇更闌
非烟非霧成三影
爲雨爲雲想二難
南國鏡中真有伴
西清天上豈嫌寒
說文點畫分魚魯
君時纂音 釋地圖經辨馬韓 君修文獻通考奉 起草漸看盈 韻述微

縹軸早朝便擬進 金鑾蓬山閔苑聲華遠舞幃歌裊偃仰

寬小字茗華鐫疊壁內家裙袂製輕純渡江楫已迎桃葉織

錦圖兼羨若蘭君時迎夫人于茗溪雨如君于練水會于吳閫北上信有風懷伴小宋

斷無霜鬢等愁潘漁莊笑我思投老擁髻分明幻影看

贈莊上舍似撰所

執手頻驚歲月馳青衫如舊鬢成絲文章未合終三黜身世

何當賦五噫桂海花濃鄉夢遠時初從粵西歸蘭陵酒熟客歸遲窮

愁莫忘名山業自有桓譚異代知

同朱學士竹君過介座主受茲福故第在東城燈市

金張甲第禁城東辰已曾悲昔夢空燈市仍看明夜月經帷

誰與坐春風祇留虎觀文章在回望龍門涕淚同更憶名園

郊外路琴書寥落野棠紅

題錢上舍志堂

茗水山莊圖三十二韻

吳興水晶宮宮闕在寒鏡生平諷其詞輒欲往洄泳泖湖接

茗溪一帆路非夙悠悠二十年烟波負吳榜錢君家溪濱雲

林宛鈞映山峯佛髻旋田稜僧衣淨捎檐竹萬竿繞約荷千

柄香茆綠柳陰軒窗頗明瑩定有壓架書夜讀翦短檠訪秋

散清衿追暑樂幽性矧逢三已餘細桃鬪春令繁花互芳妍

老筍時枯硬云云蘋葉生簇簇蘆芽迸啞鴨背船茶具足

容併跂腳復持頤沿流理漁詠吾聞古畸人秉志必孤勁進

不諧時榮退乃守閒靚用表歲寒心素履獨雅正元真昔浪

跡寔亦謝營競今君及盛年方期試從政有如傾城姝重錦

初待聘奚為賦郊居遠比谷口鄭君言戀蘭陔海南事溫清

自攜尺幅圖庶豁鄉思柄洵矣物外心塵勞豈能病我本山

水人舉足畏機穿黃塵壓烏帽空思奉朝請結習沿多公耽
幽悟宿命故園渺橫雲久負松蘿盛方將騁遠遊自分愧清
行况此鷗波邨勝踐何由更夙願未易償沈吟慕張邴

參贊珠侍郎

魯訥 輓詩 時在木那被圍水斷糧絕遂
自到督臣鄂寧奏其曾戮降

人以致衆心不服後尹文端
公力白其誣乃得 予卹

旃門獵罷奉軍符

時從獵木蘭被 旨即行 豈意旋捐六尺軀慷慨何

人能斷指

護印之知府等乘間 蒼黃獨夜效銜鬚憑城雨礮

千夫慟歸國雲旂萬騎趨

後有戌卒夜見侍郎與福 公明瑞入關騎從其盛 誅蕩天

門游帝所定持長筭掃蠻區

簪毫曾共侍瑤墀就死終由力不支拜井心危揚水後

賊敵 知城

中水道已絕 悉力攻圍

囊沙力盡唱籌時

時糧儲久絕士 卒無固守志 戮降尚苦邊

至義卹死深邀

聖主知太息歸元還未得空畱宰樹護

穹碑

奉

命往雲南辦理靖邊左副將軍雲貴總督阿

廣庭先生

桂 軍務許侍御穆堂 寶善 招集朱竹君曹

來殷程魚門沈南雷

世焯 兩舍人暨梁孝廉兼士置

酒餞別慨然有作三首

短衣雄劍逐嫖姚餞別多君折簡招促坐明鐙借近局閉門

投轄趁長宵行隨日月雙丸駛

凡馳驟赴軍前 者必晝夜兼行 遍歷河山兩

戒遙後夜相思如騁望蠡旗指處是征輶

明河欲落酒旗張卜夜歌呼意轉長但望東風占暎律

拾遺 記東

風入律則 遠人來服

何辭朔雪犯嚴裝心關去住頻彈指語雜悲歡總

斷腸賴有石交蛩駉似交歐萬里共扶將

時升之 同行

東都賓客此宵俱揮袂何堪趣首塗河朔樽開拚酪酏日南

版納歎崎嶇普洱邊外普藤等十二土司加以宣慰使號十三版納猶言隸版圖納貢稅也雲連寶井浮兵氣寶井在猛密今春公明瑞由象孔旋師經此路繞金沙接鬼區大金江海本鬼家宮歸日定成蠻府客夜闌如夢話媿隅裏雁所居

魚門以詩贈行次韻

忽隨征旆蹋霜花萍水行蹤豈有涯筮仕何能商出處談兵尚欲辨堅瑕怒江雲壓夷官寨瘴雨春濃狔老家涕淚餘生意氣盡敢將磨盾向時誇

與鑑南話緬甸舊事再次前韻

爰風瘴雨炫蠻花路隔瀾滄水一涯久識彈丸同爨股何須設版視焦瑕中朝文德詣虞舞絕徼神靈奉漢家南賚旋看來職貢白狼詩句為君誇

竹君來殷魚門馮君具外君弼廷丞吳孝廉泉之省蘭

置酒再餞仍次前韻留別

東籬久負故園花是日座間菊花盛開叱馭將經洱海涯歸日要當歌競病餘生終畏摘疵瑕卜居苦戀三間屋時眷屬仍住蒲褐山房乞米空憐十口家賴有送行詩句壯酒酣燭跋更長誇

發京師二首

往事真如夢誰知得此行纔看摻別袂已促赴嚴程生理何從數羈懷未忍明更無腸可斷搖漾任心旌

草草裝衣被淒淒問寢興三年從此隔萬事總難憑曠澹離羣鴈傍徨穴紙蠅蘆溝鳴咽水聽罷祇曹騰良鄉夜宿示升之

萬里嚴裝一葉身生涯終擬作勞薪艱難尚幸依良友流落何堪媿昔人斜日心懸仙闕樹秋郊腸斷屬車塵丙戌從謁

泰陵又尾最憐今夕重幃裏已對寒燈鬢指頻
從天津皆經此路

涿州道中再示升之

驛路蕭條柳十圍斜陽影裏共驂駢詩場酒座前塵遠橘社
尊鄉宿願違落葉隨風難自料長星配月好相依誰知畫省
簪毫客袴褶秋原學飲飛時與索倫侍衛同行

晚次安肅寄來殷

紅亭昨日始分襟別夢羈愁已不禁老淚豈堪頻洗面短書
何忍訴傷心青山送客程程遠白髮依人種種深百韻新詩
聯未就知君翦燭更長吟

宿定州再寄來殷

土銜茆檐蠟影斜相思排日寄疏麻近來好事知誰與別後
新詩莫厭賒夢裏琴尊尋米市來殷近寓米市衙前客中風雪趁柴卓

書回應與斑駁客

謂陸重卿秀才伯煜

罷酒扶牀一嘆嗟

定州曉發示升之

郵籤一百廿程遙自京師至永昌第七程中第四宵支枕卻
貪殘夢短攬衣重覺別魂銷橫斜野水冰將合颯沓商聲樹
盡凋安得中山千日酒與君扶醉上征輶

龍興寺

法鼓香雲供梵天瞻巴遺蹟尚依然金人永鎮三千界石墨
曾經五百年莽莽關河分趙魏冥冥沙霧隔幽燕太行一角
青如畫用東坡句洵卜隨師萬里旋

樂城旅夜

迅於激箭疾於丸併日兼程敢自寬健僕喧呼攜襪被庖丁
倉卒具盤餐魚梁水落秋沙擁馬背霜濃曉色寒一髮常山

天際路五雲何處望長安

示張同年 鳳鳴時為邯鄲知縣

飛鳥稱仙令談經儼大師相逢纔摻袂為我已端著瘴癘安
方劇干戈棘道危重離雖不動未敢卜歸期

動言止戈之兆也

君精易理著得離卦六爻皆不

懷洪舍人伯初

卓犖清才世共知頻年同直鳳凰池
散書欲仿容齋筆澀體仍沿玉父詞
坐擁青綾宮燭映封殘紫誥禁鐘遲而今華萼

何由見令弟孝廉將次入都心折江湖萬里思

途遇吳侍讀冲之即別時從貴州主試回京

不分河梁此際登風沙滿目意難勝
深知道路容顏改欲話家門涕淚增
噩夢驚心終自咎歸期屈指正難憑
頌君說與

慈親道辛苦加餐力尚能

新鄭驛中見月季花方開有感三絕

十月西風打面寒誰知紅萼未凋殘
短牆一簇垂垂發留與征人掩淚看

凌冬景色倍悽妍弱葉輕塵驛舍前
自歎不如花信準時時開傍月輪圓

青腰未忍損薦紅猶有芳華發故叢
便是折來當歲暮不堪蕉萃寄征鴻

旅夜懷南北舊遊

廿年傾蓋盡名流旅館寒燈數舊遊
嘯侶仍同燕市酒攜家重上越人舟

心餘近主 西湖春漲淹漁艇曉徵近 北郭花深
當酒籌晉我似西南秋月迴獨酌孤影照蠻陬

泊襄陽

望裏溪山捲楚雲蕭條遷客竟何云傷心賦早同開府誓墓
書真愧右軍鐵鹿連檣江外渡銅鞮舊曲夜深聞莫辭墮淚
碑前過衫袖嗁痕已不分

自漢江至江陵道中作

攬袂登扁舟烟水已盈目參差雉堞間疎林間茅屋鹿門遠
可辨峴首近相屬溪山紛有情競欲慰羈束漢江獨西來送
我下安陸相隨數百里明流尚泐泐沿江富邨墟宛似華亭
谷扣舷忽眼明見此千畦竹豈徒緩離枕頗覺愜遐矚所嗟
京雒遙窮巷委家族拒門風雪深誰爲具饘粥寒鴻杳不來
何由悉熒獨

昨泊茅草洲今過多寶灣涼波漾蘋末側側西風寒楚雲正

清曉拂面增淒酸別緒已寥落復此征衣單心神忽懔懔欲
狀愁無端秋冬款緒風騷客古所歎况我遠行邁搖落臨江
山天低欲釀雪黯淡誰能歡且趁獸炭煖呼酒聊開顏
楚天本淒清雲物結陰曠古來遷客居江山亦蕉萃有如傷
心人一往輒墮淚我登樊水船五日罕晴霽今宵驟雨來灑
空忽作勢飄蕭下船屑颯沓走沙次何人更夜漁漁歌漉悲
厲聽此歌聲哀毋乃風土異意者屈宋魂遺音在南裔
曉雨已蕭寥暮雨更淒滅楚山萬重雲杳與寒空積嚴屋亦
刁騷如弩射牕隙愁人本不眠假寐旋遠適依稀在庭闈起
居視巾幘稍疑容顏殊慘淡異疇昔復如倚梧巢蒼蕪沒苔
石舊遊出視吾殷勤問行跡是夜所夢如此倚梧巢則蔣
升枚所居在閩門內桃花塢忽
驚江濤喧船舫互推激累此孤征魂往來度關驛夢殘天未

明輾轉何由釋終當學無生稍以杜羈疾

我作苦雨吟三朝復三暮水宿淹程期風濤戒徒御其來自
初昏其還逮清曙歎我遠飄蕩誰與慰悽愴蕭條入蓬牕如
怨更如訴助以嗚咽音徐疾互相赴我老不堪愁無淚其傾
注翳翳成燈殘杳杳寒笳度生平西窗懷擁衾渺何處

曉雲尚未霽理楫遵川塗迴帆入澤口水落寒江枯汀洲互
隱現沙石相縈紆潺湲不盈尺何以勝方臚繫纜一歎息我
命良艱虞不謂行路中復此多崎嶇所賴黃頭郎跣足爭號
呼邪許竟何益欲進仍趨趨天寒苦厲揭或恐傷肌膚次止
亦有分請爲待斯須楚天方陰露積露增窳窳儻幸夜雨驟
決溜鳴長渠朝來溪水活一葦從所如

長年報新晴天晴水更落別換蜻蛉舟尚苦礙浮泊僕人勸

陸行肩輿度林壑從以斑斑車摺載雜囊橐書笈與筠籃提
攜亦紛若前道兩騎奴觀者頗貽愕幾如搬薑鼠或類營巢
雀辭家更移家相視一嗚喙

久爲別鄉人喜見故鄉勝我邊潛江行江堤忽南亘堤旁得
農村午雞遠相應竹中八九家茆茨各幽靦秔稻豐已收麥
苗潤方逆烏特亦安閑寢訛適天性何知練雀來倚犂互爭
競地僻天機深宅幽塵事屏崽子頗好事見我儼生敬投以
大谷梨乞茗報相稱

桓公鎮荆南感此垂楊覆手植皆十圍依依使心疚憶子辭
京華落葉盈井甃何爲漢江濱疎翠尚如舊江斐儻念我蕭
晨歷楚岫恐增搖落悲留此慰邂逅或因楚雨滋兼以江波
漱托根得地殊葉藹竟異候攀條忽泣然物理奚足究但取

清陰疎隨風拂衿袖

憶我去家時新月初上弦盈盈照執手皎皎窺離筵辭家家

漸遠月尚隨行羈楚江半旬雨疑月霾雲烟豈知碧漢路依

舊如鈎懸長庚亦吐曜清夜相回旋我家竟何處一別分江

天見月不見家月見應悽然家人八月愛見佛說入月對此

嗟幽妍下堦定祝月照我游黔滇更將我比月永望澄暉圓

昌黎謫潮州心折子厚賢劇喜流竄路十日同破眠況今我

與君萬里從南遷朝行飽麤飯晚泊栖寒瓊出處勗大義非

獨憐夔虵孤舟更清曠稍稍開陳編杜韓及蘇集夙昔經丹

鉛三公我所師萬古星杓懸仰思接警欬俯讀供漁叟其言

偶感激如聽雍門絃師友此已足何事鬱愁煎亦升

漸臺行

漸臺下王出遊漸臺上夫人留江波忽涌臺欲折使者馳來
少符節宮人舊約詎敢忘肯以倉皇求苟活噫吁嘻夫人雖
死真如生清操直等清江清宋宮火楚臺水貞姜伯姬兩相
似惜哉未入春秋史

鐵女祠行

唐時有孫姓者業冶以非罪獲重辟將刑其二女痛
父寃投爐而死亡化爲鐵人有司以聞乃釋其父並賜
祀以旌之

似鐵非鐵容模餽似血非血形魚枯迫而視之乃兩妹灼爛
靡有完肌膚當時痛父嬰刑誅九閻虎豹誰能呼以死殉父
明父辜騰騰烈燄方歆噓連袵一擲輕銷銖下飲鐵汁如醜
醐治神驚爆爭趨扶內耶骨耶知有無鐵心鼓鐵成鐵驅躍

治定爾疑雙跌旋活死父驚鄉巫嗟哉剛烈鐵不如後世重
與鑄金俱

樂戶行

張獻忠破荊州召惠府樂戶行酒內有瓊枝者弗從
賊怒縛以飼犬同時有曼仙者乘間置毒於酒以進
獻忠昵之令先飲一飲而斃獻忠始覺竝磔之今有
冢在南門外

樂戶侑酒不侑賊當筵豈畏鋒鏃逼鬻之與犬不忍食誰知
忍死計更長一卮欲爛凶渠腸惜哉先飲身先亾兩人異死
心則一漸離海青此其匹罵賊醜賊各出奇一死能令賊股
栗瓊枝品與瓊瑤同曼仙仙俠真英雄何當立廟圖其容靈
旗風雨來高空吁嗟乎何人乞命西王府孤墳視此兩樂戶

獻忠破荊州
自稱西王

宋玉宅二首

蘭臺舊宅傍江濱誰識當時諷諫文夢澤旌旗深夜火陽臺
風雨暮天雲賦成好色規傾國受得微辭冀寤君賴有渚宮
故事在牆東城北溯遺聞
登山臨水正蕭晨悵望千秋灑淚頻洵有才華開庾信誰知
風義接靈均西堂感夜人何處南浦招魂迹已湮聞說歸州
餘井臼傳芭併欲薦芳蘋

白沙市放船至虎渡口次升之韻

浩蕩驚如許蒼茫喚奈何地形連楚蜀水道別江沱荻岸蕭
蕭雪鷗沙淦淦波白雲望更遠悽斷橘林多

壽陵侯廟

陰廊白晝呼鵙鷓苔衣石馬風颺騶孱陵祀此紛兜整周郎
已妖子敬逝君也繼起當軍籌白衣搖櫓吾不取失計斷在
圖荊州左將軍昔住油口本以重地資扞擻奸雄臨書忽落
筆實懼併力申同仇後來乘間定巴蜀形勢稍稍分曹劉前
將軍復向襄漢雷雨快決焚江舟阿瞞瑟縮欲鼠竄埽境盡
遣張徐儔此猶兩虎各死鬪可乘其敝生良謀擣虛搯吭古
有訓攻所不備真何憂渡淮應先舉青兗輕騎北畧平并幽
河山坐致天下半後迫鄴郡搆其喉剗除漢賊尊漢室蜀且
備位陳珙球何爲大計不出此妄以唇齒生猜尤紫髯孝廉
識已誤富陂贊畫彌謬悠入穴取子詎應爾僅得南郡如浮
漚卒使當塗固磐石遂盜天命誇岐周東吳稱藩亦北面臣
服仍等南昌侯都亭獨出候魏使建武涕泗隨交流伯符若

在定不許謀國竊爲君臣羞古城雖存壁壘失飛騰戰伐空
千秋生平流宕好奇偉論世輒欲懷嘉猷迺知失策自古恨
狂歌斫地澆新筓

至滙口聞鴈

水驛三千里烟鴻一兩行可憐風雨夕送我到瀟湘

公安雨泊

楚江渺渺鬣層雲戍鼓無聲夜欲分帆腳西風篷背雨蕭條
併向枕函間

夜泊洞庭湖口聞笛寄懷江于九司馬程荆南明府

夢湘

楚江十月南行客五兩高帆挂空碧積靄遙經石首山疎楊
不辨孱陵驛古驛蕭條三戶餘楓林橘社度重湖空洲潦盡

魚龍徙極浦霜高鶴鶴呼此時弭節真蕉萃柁樓晚飯漁商
 市未捐芳佩弔湘娥卻睇幽篁惜山鬼傷心蹤跡狎鳧鷖更
 載雲旗事遠游金沙鐵壁人難到埃火軍書戰未收揚舲日
 暮方憑眺忽聽篷聲激清峭更深兩止月微明長笛中流聞
 楚調楚調吳歛相間生似訴辭家去國情東華昔夢風中結
 南浦新愁曲裏縈昔夢新愁如匪澣擬向知心寫淒惋逢人
 問訊合江亭荆南時在清泉朱陵承水郵籤遠亦有醴陵解恨人聽
 雨瀟湘剪燭頻于九有瀟湘聽雨錄苦竹黃蘆途更永荷衣蕙帶意難
 申娟娟烟水佳人隔臨風騁望雙飛翼紅蘭碧杜漸凋零欲
 寄馨香終歎息涉江何處託微辭七澤茫茫唱竹枝折麻爲
 報離居意搖落天涯有鬢絲

烟雨

烟雨層巒翠波濤亂石殷誰知一綫路卻出兩崖間野艇隨
 風泊荆扉盡日關候人休問訊身已似魚蠻

曉望滄浪水

滄浪水清見底欵乃一聲楚烟裏行吟無人山月低漁火曉
 寒生竹扉

鴈

旅雁辭燕塞隨人過楚都思歸仍慘淡欲別尚號呼未惜烟
 波遠終悲節候殊烟江墮清月今夜益孱孤

將至桃源書淵明集後

夙愛桃源圖屢讀桃源記頗笑後賢作疑信等蝸沸自來真
 逸流山水曠高奇一問塵外區結念塵夢寐未須論有無先
 與託文字何況柴桑翁身丁典午季折腰固不堪乞食更非

計久懷荷篠徒畫扇見神契偶傳武陵谿風土信幽異雞犬
各自如妻子未為累悠然寫其人聊以詔塵世裹糧必問津
遐想母乃滯我今來沅南溪山悉姝麗寒水澄綠波層巒倒
空翠人家楓竹林卽此可終憩安得花紅時一鼓漁郎棹

聞笳

遠火江船泊哀笳楚戍懸灘高聲易亂風急響頻傳猿狖吟
難穩魚龍聽不眠明朝烟霧裏餞我更悽然

換船上灘有作

又向麻陽喚小舸驚聞七十二灘遙連谿淨綠濃於染雜樹
浮青晚未凋樵路懸崖埋雨雪戍樓架木傍雲霄便充水手
應無媿身是吳兒解弄潮

泊桃源縣

寒江無月水雲昏山縣淒涼只似村仙犬不鳴燈火靜行人
今夜泊桃源

自綠蘿溪過新湘水石奔峭為入灘之始

沅江本北流扁舟乃南向我過花源西江色已殊狀頗聞綠
蘿陰新雨起寒漲潺潺逼山來清緊不流宕尚喜雲嶂平間
以烟墟曠長年指示我去路隘而妨名灘七十二灘灘駕高
浪此灘方首程母為遽惆悵

山夾水而蟠水薄山而走山水互奔迫怒流遂噴漱不謂雪
灘舟人能與水鬪奮臂或孤撐翻身忽全仆眼花落水眠恐
與巨石湊生平得未曾見此頗眩瞀何暇遡桃林一向漁父
扣

過甕子洞遂抵倒水巖皆水石奇絕處

湍水從南來銳石忽右拒去聲水為石所搏奔流更東注豈知

限坡陀欲走不得去回旋蹴浪花蓄勢作馳驚偉哉甕子灘

灘勢實最鉅何為一葉舟竟往殺其怒舟水相撞春進退屢

淫豫乘間突而前能事詫徑度我身本窮薄履險亦何怖

大石如覆舟小石如斷日其色侔豬肝其狀肖熊首其積累

重甌其裂豁破缶譎詭非一形爭出扼溪口三石更頎然永

結烟霞友面面勻丹青疎疎蔭篁柳水經注三石間鼎足均峙秀若削成其側茂竹

便臨空露竅穴大小靡不有俾受篙師篙真宰信非偶

過巖望漁仙寺

眺遍十二峯峯峯翠如沐倒水巖十二峯有赤霞嶂仙蛻巖諸勝山形稍欲平

忽見檣竿矗四五麻陽船相次泊林麓上開數椽地地蓋數

間屋屋前種芸薑屋後翳篔竹婦女各忻然雞犬散樵牧層

崖最高處亦放兩殼棘微聞漁仙寺疎磬落幽谷此鄉捕魚

人朝夕飲寒綠起居在雲烟豈俟駕鸞鶴一笑十種仙何為

墮六欲

穿石灘

孤峯碧筍如獨出秀無比岩巖數十丈直下插江底風濤所

磨擺赤立淨泥滓何由竅其中了了見彼此其南若堂皇其

北圓若晷隔石兩相望過者駭觀止得毋儻忽逢於此縱神

技惟有僧結圖僧結圖蒙古謂玲瓏山也在水蘭圍場中峭壁高懸中通一穴玲瓏畧相似

茲石類高人中虛豁石髓亭亭俯清流終古絕依倚石丈洵

可師我將肅拜跪

虎子磯

曉行虎子磯磯流忽震掉上有穿雲壁壁勢削奇矯頗聞怒

水由山出

春風堂集卷一
漲時百丈浸浩淼至今山腹間屢見沙痕繞斗絕臨飛湍悲
鳴極後鳥何年斲石骨微徑出林杪劣餘二分垂窄比一線
遶戩師稍失腳已被蛟鱓飽橫空巨鐵繩稍藉扶指爪哀哉
性命危造次安得保扁舟逗其間氣奪爲悽悄嶮巖誰所開
負嶠角奇峭我無冠古才敢與繪天巧頰首謝山神已被君
壓倒

明月巖

江山更助我詩情忽而縱巖如圓月圓臨江待賓送單椒秀
獨出旁嶺敢伯仲儼然柱石姿圭冕領侍從蒼蒼兩崖間橫
石狀蟠螭中有餐霞人往來課梵誦悵望仙靈都茂由躡飛
鞚懸知烟霄清縹緲下鸞鳳

雷回灘

船尾一枝柁船唇兩行槳篷間帆六幅岸上繩百丈
竹篙五物俱可仗舟子四五人取舍各有當忽聞雷
霆戛滌瀆家具竟齊施賈勇互下上叫呀張口吻
掌手口偶未及色授得其象乍駭紛亂麻諦視鮮鹵莽
仍併力一氣謝心想昔聞庖解牛惠施得所養今以管
勞歌激慨慷

自大專溪至清浪灘長四十里上有馬伏波祠

天公欲遊戲駭此遠行客截彼浮雲根擲爲撻水石高
尋餘倭髻亦數尺大或徑連畝小乃展片席摺疊類衣褶
銳等圭壁行次別堂斧合離成蜀嶧統統三門開浩浩九
關橫磨十萬劍一一與水敵水跌忽成窪急起復相射幻
作幻技信手妙搏埴持以恐詩魂且洗見聞窄毛髮森欲

扣舷三嘆息

嘆息尚未終入眼益奇變洶洶清浪灘灘濶勢轉悍水急風旋生廿里激雷徧寸步須千篙十夫助一絳浪花併怒飛直前搏人面側聞馬伏波於此下蠻甸至今古祠留時有行客薦將軍西川豪氣冠雲臺彥中興效馳驅垂老歷轉戰如何蕙苴讒千古共悲歎英靈倘未徂乘此洩憤懣我亦從軍人嗚呼淚如霰

北斗灘

挂席來南斗空桐望已遙誰知蟹峒路猶得見璇杓

過灘夜泊晴見微月

過灘方五里日暮遂栖泊稍喜灘勢平尚畏灘聲惡如風復如潮如雨更如雹客耳雖喧聞客心轉寂寞何期三五月偶

破寒雲薄娟娟瞰篷窗向我枕簟落我宿水月間塵夢何由著

昔者

昔者讀山鬼其音哀以悽冥冥青楓晚噉噉青猿啼蕭蕭風雨急公子來何遲竊歎放逐臣激楚纏心脾茲行楚南境不謂親見之扁舟掠山來山雲日弄姿如人欲隕淚障袂銜其悲清晨雲忽合密雨何淋漓窮山晚仍晦咫尺蒙烟霏黃蒿與苦竹颯沓荒江湄怪鳥不知名叫嘯同獻啼遙聞芝灘水嗚咽通巫溪此中信幽渺孤客魂已迷應有含睇人要我申然疑手持女蘿帶窈窕陳微詞

風雨過橫石灘

水逆信可憂風順或稍快詎知風水遭色變衆所戒風高揚

其威水怒扼其隘兩雄不相能一葉轉生礙春撞屢難前簸
蕩良已太頗恐失秋毫觸石致厲夫狂風更挾雨烟霧晝冥
晦誰料千萬山竟作雲海滙茫茫吾安之舉目盡荒怪未敢
叫天闔揮淚滴飛瀨

北風

地越南嶽南火維寔荒幻萬彙眩青紅烟雨亂昏旦頂冥所
未經誰敢下霜霰今宵北風來送寒過江甸上與竹樹鏖下
與水石戰排空自叫號短檝屢回顛稍欣擁被溫終惜重裘
綻客路誰裝綿默數慈母線

沙澗灘

一日過數灘灘灘獻奇警一灘巨數峯峯峯露妍靚峯根干
萬石作態互馳騁其餘沒中流浮沈類蛙蠅不知水落時巧
怪復何等況此沙澗灘濃綠鬱千頃宛疑青琉璃倒漾翡翠
影洲曲山更幽杳杳接欻聲篙聲如琴絃答響亦清迴惜哉
住谿蠻妙意誰能省何當誅香茆暫此適閑靜

辛女巖

石壁數里遙如屏插激豔青冥不可梯疇能躡崖戶排空出
洞府厥狀大且儼剝蝕無軒楹橫斜剩楣檻疊疊弄筍箱疎
疎露船艦或云仙者都長物駭奇覽或云武鄉侯餘糧此藏
斂圖經已錯迕流傳更黯黯吾聞四裔濱悽怪氣所感半爲
魍魅居出沒在坎窞鑄鼎象其奸牡犇絕其險先王用牖民
不使夔兩掩何迺熒見聞誇客屢指點差愛下巖泉三日沸
沈濫水品如可詳吾將溯鴻漸

沅陵

沅陵控六省來往稱通衢頻年籌邊微絡繹馳驅行且恐勤
父老供億荒耘鉏茲來見二麥愛此青扶疎農事正勤
旅來京都騰驤四千名勇趨如彪羆衣裘逮弓箠送資車
徒每車坐兩兵挾一僣從俱無車以馬代三馬此一興無馬
以夫代五夫抵一駒二百名一起接踵來徐徐蟬聯如月
竣事歸田廬時維值夏令陰雨膠泥塗趨事庶人莫敢辭
其功况賴 恩厚給直清銷銖薄田雖不治亦足贖
孳今秋京兵 湖更鮮調發慮比戶增忻論收
積高廩治 池執役真區區為吾言
誇一勤苗 不知兵自古良所無

泊沅 城外長橋蓋即雷滿所鑿塹也

楊柳歌詞送郵傳輅車已抵金祥殿蠅聲紫色屬午

羣雄角爭戰文身斷髮勇絕倫擊鮮醜酒何嶙峋澤中大獵
置伍長吹笙王子何能馴廣陵歸來剌刺史請命于唐稱節
使杜洪成汭兩燼灰輕舟攻劫窮江汜楚南形勝連洞庭鑿
開水府增池亭裸衣擲器自閑暇出沒未畏蛟龍獐千丈飛
橋作虹挂土團蠻士今何在南平兵後霸圖空萬堞參差遠
如畫

望善卷洞

仙人墓何在空翠九峯閒忽憶洮湖雪曾經離墨山 宜興有善卷洞

丁卯予于雪中過之

泊辰谿城下

孤城睥睨臨層嶂人家雞犬綠雲上下瞰澄潭綠於釀寒江
舖前天下稀碧雲如水生微颺灑我白髮寒絲絲竹林浮烟

山欲雨隔岸哀笳落孤戍驚起沙禽拂帆去

大酉觀

我經辰谿陽城堞排山椒其南大酉觀隔水凌嶢嶢翱翔祀
羣帝秩禮殷宗祧恭聞洞天内祕簡垂黃姚六丁守雷電五
緯臨雲霄南方赤燁怒絳節時來朝弁山羣玉府媿此同兒
曹嗚呼三古邃元命空符苞左神靈威護汲冢不平準淆寶
書百二國存者俾瓊瑤矧乃予媿前墳索誰能操傳經在經
世何意藏苗獠我將夜管筆炷香禮琬杓願啓蝌蚪文永配
圖書標逢逢伐鐘鼓大酉祠旁有鐘鼓祠萬禩開聾昭薄遊志未遂側
望心悵勞

寄吳泉之兼憶沖之

佩刀長指出都亭惜別知君眼倍青客路山曾經二酉舊遊
人最憶雙丁孤舟盡日逢寒雨歸夢兼旬託使星爲報楚江
搖落後蘅蘭猶未墜芳馨

白沙灘曉行見溪山出雲作

聽雨更聽風看山復看水楚南十日行觀妙歎止矣豈識白
沙灘雲容更如此山雲宛佚女巾裏隨所使一重復一掩窺
簾偶徙倚溪雲擅凌波濛濛曉方起動影沖融間半入青鸞
尾層雲忽相遭作態照清泚依然尹與邢隱約鏡奩裏不知
巫山陽持較復何似誰攜芳華詞贈彼嬋娟子

鷓鴣灘

前過鷓鴣砦今歷鷓鴣灘傳聞于點墨屢爲行旅艱茲晨何
瀟灑出沒依澄瀾共眠翼戢戢偶立紋斑斑扁舟掠其吻翹
足殊悠閑此鳥或似我樂志耽溪山不鳴亦不飛雲路忘騰

看爾堂集卷一
九
騫舟人笑相謂幸此臨清湍前有黃獅怒掉尾方巘岼

黃獅洞灘

我來黃獅灘不見怒蹴踏溪聲如廣長俛首聽說法

夢升之

小舫參差似鴈羣清宵語笑定相聞夢魂尚恨篷窗隔愛傍
殘燈更夢君

曉雪

我昔在興安八月雪霑泥隨風凝行帳冰棱不得襲頗怪鏡
天峯眩作玉筍立今時仲冬中六花何未及夢回聞篷聲似
雨轉悽急榜人凍相語微霰詫先集雜以霰霏飛烟靄且原
隰吹面生餘寒拂袖泣微濕浩歌下危灘蛟龍快全蟄

漢水灘

難奇雨亦奇見客輒交射每距數里遙氣象已可怕昨驚連
珠險灘名漢水亦其亞未到先薄人作色變嗚啞殷春霆轟
浩浩高浪駕助以陰霧霾晦味竟疑夜石角怒而前排鼻欲
爭霸舟水互掙衝失勢忽一瀉榜人稍惘惶我命何其暇出
奇遂出險椽纜向桑柘回首嵐霧濃風濤尚凌藉連溪斑竹
敲冥冥叫山鷓

行黔陽道中望諸山積雪

楚黔地絡陽三冬罕積雪昨者落旋消曉來復蕭屑入午勢
纔停舉日皓已潔不知萬層山玉屏忽齊列有時露蒼嵐白
雲補其缺雲雪杳莫分界天竝巖業穹崖稍難留微痕象環
珉人家殘雪中戶牖半明滅夕陽落孤舟松竹更清徹一轉
又一奇可攬不可說龍公借玉戲萬里慰此別喚買拋青春

酒名推篷賞幽絕

玉樹灣二十餘里石皆瓏玲離立吾鄉湖嵌殆不足數也

五日畫一水十日畫一石挂我高齋間觀者歎神蹟詎知一日間千萬飽奇癖林林立寒溪不作獅象擲銜渾雕鏤宛轉擢筋脈偶同簾筍穿忽比鼎耳坼何年仙人橋凌虛更無跡得非修月斧斲此渡溪客我家近太湖雲根等圭壁香山偶載歸已足示高格況茲廿里餘家家倚青壁臨江風露寒入夜烟霜積翛然山澤癯豈肯近研席應有金華兒牧羊共昕夕

謁昭靈祠

寥落芷江地三閩有舊祠蘿衣山鬼笑蘭藉楚人悲風雨頽

菘壁烟波載桂旗千秋懷石意未許賈生知

宗國餘三族羈臣歷九年抽思還姪直惜誦屢屯遭枉渚辰陽隔修門郢路懸牢愁無可畔決絕在沈淵地已亾丹浙兵仍絕武關怒齊空失助走趙竟無還太息龍門遠誰知葦路難夷陵烽火日想像淚痕潛

渺志追三古芳菲姱節彰肯同桑扈裸尚鄙接輿狂鸞鳳爭承駕虹霓使作梁欲知耿介性世譜接高陽

蘭杜凋中沚莓苔上步櫺靈祠三楚遍遺像百蠻瞻魂魄巫陽召生平太卜占先民如可作風義激頑廉慘淡逢辰缺蒼涼遡甲朝修能宗聖哲文采啓風騷天遠寧難問魂歸豈用招從來蕉萃客雪涕薦申椒

七里灘

春風堂集卷一
三
茆屋杉籬不見門數稜殘雪印鞦痕半溪斜日孤罾捲時有
漁人歸竹村

曉晴

稍喜晴光霽仍愁霧氣濃寒溪千百折遠障兩三重水急多
魚步山深有鹿蹤松杉青似沐誰信是嚴冬

復雨

雪晴雨未晴沈沈下穹碧欲將萬斛珠洗此千山白雪瀑與
雪同飛流界苔石懸知沉江波今夜漲盈尺岸旁千竦筵閉
此漁人宅惟聞楓香林日暮響格磔前呼不如歸後語行不
得我行日方長欲歸豈敢憶自分愧溪禽故山栖倦翮停燈
灑連絲共向烟篷滴

日暮過大遲灘

灘自便水驛節節森坡陀小遲與大遲狠石尤嵯峨一石逼
一浪一浪盤一渦千渦浪所聚鬱屈噴長波水底更列石急
溜無由過全江壅而上快瀉龍騰梭舟人理竹索逆挽肩相
摩百丈繫百指彼此通招訶誰知風霆震欲語聲先訛溪迴
水雲黑後艇方蹉跎中流縈忽礙挂石如藤蘿幸有肉飛仙
水面凌黿鼉兩舟卒竝濟佇立瞻層阿一燈誰家屋歲晏方
婆娑

夜聞灘聲奇詭可怖詩以狀之

灘聲欲抉鬻人夢萬竅刁調浩呼洶石林夜幽神鬼衆土伯
山魃率其從一足靈夔嘯且踊赤豹文狸互鬪鬩譁譁出出
聚蠻峒偷使陰雷劇簸弄勢挾千巖各飛動挾之不得折而
趨尻輪一駕風雲俱九地忽裂聲鳴鳴

舟泊晃州驛

經月方辭楚乘風欲屈默已添帆腹飽并免石棱尖野市柑
初賣蠻鄉酒更甜詩成百廿首勝事我能兼

三汊灘雨

三汊灘前一尺雨濕到篷根印衣履比似春寒寒更苦楓篁
月黑援交語

舟至玉屏

性命真悲一髮輕寒灘日日鬪崢嶸人從激箭流中坐船在
崩崖罅裏行喜見杉筠圍野邏愁聽風雨走山精驚魂才定
輿人報前路千峯劍戟橫時將
陸行

水驛

水驛龍塘北人烟堆堞西呼船村度近北門外有
平溪渡編竹客廬

低邑小當三楚灘高挾九溪宛溪焦溪梅溪松溪牙溪勇溪
鐵溪小田溪白水溪謂九溪皆
從鎮陽江
達於沅水

泊舟玉屏北郭

澗水沅江道路紆又經北郭橫征艫休嗟流落同商婦自笑
稽留類賈胡短燭孤舟風浪湧亂山殘雪歲華徂故人恰惠
衡陽酒同年戴君
涵合於此稍潤詩腸幾日枯

書所見

一畝誰家築考槃雪時景物未凋殘芭蕉滴翠楫欄綠偏與
松杉伴歲寒

沿平溪過天生橋西行

長溪蜿蜒乖龍蟠古路犂犂修蛇斑路緣溪行互曲折忽見
橋影搖澄瀾獅王象主皆峯
名共相屬中有人烟隔櫺竹失喜

寒溪滑笏平一角雲嵐浸寒淥

入雞鳴關

巖關呀然忽西折古路低盤如入穴羊腸一線凹且凸寬尺
有咫亂叢樾山色陰沈鑄積鐵飛泉灑道泥活活輿夫十步
九恐跌道欹欲卸石半裂板薄如紙補其缺行人俛眎魂駭
絕萬仞崩崖萬疊雲萬道轟流萬條雪

栗子沖曉行

月黑山霧高舉手不見掌出門纔數武亂石密於網半里四
五盤一盤六七上微路緣山腰著脚僅容兩肩輿已凌空天
風尚簸蕩俯臨萬仞谿下有麻陽舫篷燈細如螢人語難辨
髣惟聞灌莽中輞雷激泉響

黔陽兩月雨飛瀑弩發機昨日雪亦銷界道噴冰澌豈堪一
綫路攪此三尺泥土膏如炙輞石滑如累碁前者把火照繼
以明燈隨猶恐臥虎怒中宵蹋其颺有目不得見何由測嶮
巖忽聞天雞唱矯首呼晨曦

抵鎮遠寓舍臨溪水榭彷彿秦淮因題三絕句兼寄
子才蘅川兩君

翠箔紅欄敞水亭人烟客舫聚寒汀分明丁字簾前路添得
青山作畫屏

殘冬節候峭寒天初月雲中影尚偏行客莫嫌箏篴少溪聲
終夜弄冰絃

袁虎詩才老更蒼通明高逸似柴桑誰知江左文章客獨上
吟鞍過夜郎

游中河山入青龍洞還過中山寺觀太和洞四十四

韻

臨溪忽擢芙蓉朶聞有兩洞長而墮日暮清游約竟果青龍
 衙衙在其左鈎梯半似右師跋石髮陰森垂鬚鬢瘦竹長松
 亦婀娜穹巖下_{圭冕}旒綵構屋堅牢絕搖簸對眎山城分射
 塚鞦韆民廊穴螺贏檣竿百尺不及髀香爐之石峙磊砢_{香爐}
山在中河山側時立清漪上豐下削宛若香爐北扣中山禪闔鎖殘僧出迎口先哆
 導我入洞礙裾袂房然忽登萬斛舸東西九筵平不頗其白
 晶晶帶珮瑤其黑斑斑贅痰蠶如雲聚族如葉裹如筍抽萌
 如箭竒旁寄二穴竝破礮暗泉交滴串珠顆小池規月承其
 墮中供聞思菩薩埵妙香晚寂幡影躡倚廊短碣沒塵堞剝
 落欲讀命炬火感歎遺詩良帖妥洞內有臺使任國學詩碣詩字俱工西臺御
 史丁坎珂巡覽周黎痛勞痺臣取丹心照裳裸激揚風義誰

則那晦翁遺祠在山邏

嘉靖九年知府黃啓英有紫陽書院碑言於是山建書院設學田且以祠

卷末子今遺跡似不可考矣

所惜遺蹤蔓瓜蒞學舍書田誰負荷空剩花

龕留梵坐黔山如此森粹唾朗人秀士出應夥敢告有司起
 唐_心亟啓臯比論卿軻洞比鹿洞無不可

文德關

兩崖雲樹交百丈旌竿直詆蕩關門開大書表文德我聞九
 股苗處此實云逼其人悉狼貪其技甚鼠即往往弄潢池窮
 年費搜殛殺氣之所鍾箐林至今黑邇者聲教敷殃徒樂生
 息羣知_國憲尊胥奉長官職嚴關空崢嶸戍邏出遙碧霜
 風卷哀笳清曉壯行色我願揭此名移向蒲甘勒庶幾烏帟
 墟萬古洗兵草

相見坡

前坡行客忽招手後坡行客竟開口兩坡相望尋丈餘豈識
千盤越岡阜天梯萬級凌巘岼下視窳谷何斑斑寸人豆馬
杳莫數望我應在層霄間一迴一折屢隱現直上峯巔總相
見安得京華亦似此日與家人覲顏面

昇輿甚險偶爲短歌

下山走阪丸上山逆水船下用四夫夾上用四夫牽長繩繫
版當胸穿昇者四耦相回旋二十四足爭後先如魚逐隊燈
附羶如羊倒挂禽齊騫尋樞之戲將毋然輿聲格磔鳴秋烟
吾身托輿輿托肩肩上竿木絙以緣腳底細路欹而偏俯視
何啻千仞萬仞懸中有千石萬石森戈鋌

斗狼箐道中遇雨

雨颯颯風淒淒據于石需于泥一轉復一折一高更一低轉

折安可極高低數千尺上山臥肩脊下山驚魂魄怪樹如龍
擘巾幘怨鳥嘯空杳無迹萬仞穹崖危已圻半嶺飛泉碎幾
壁灌莽青黃濕烟積足底千峯那可識雲海蒼茫界天白

飛雲巖

飛雲之巖雲所宮欲飛不飛畱奇蹤雲老化石與石同如鍾
乳乃寒泉鍾如星光霄成磳磳千朶萬朶攢一峯戩然石屋
敞且崇垂天之勢何逢逢凡雲所載類以從之而鱗鬣蟠應
龍櫜角戢戢眠雨工光音天人瓔珞重紫猊寶座青芙蓉繡
幡華鬢花丰茸罽獅香象拳毛鬣兜羅綿現舒晴空亦有仙
叟方雙瞳手持絳節朝焚桐鶴翎鸞羽隨靈霞瑤華芝草翻
靈石上殊形異狀紛玲瓏一一翬以雲空濛左折兩洞
咸龍窾一洞如丁架棟隆涓流下注鑄珩琮一洞杳黝不可

窮云是夏秋水所宗右轉石筍攬崆峒有石扣之應笙鏞笙

從尚書鄭義

前聳三石蹲巖熊構亭其首延青紅亭上合十南詢

童稽首觀行超圓通

巖劫高閣以奉觀自在對面小峯為善財童子亭

繞巖合杏杉

相松瀑布一道噴長虹是日雨霽陰霏蒙羣山杳靄迴高穹

擬排兩鬪鸞高狎登輿三里東坡東尚有雲氣摩心胸

巖畔見梅花

香從冰雪境中聞玉蕊疎花已吐芬開向華嚴樓閣裏不須

同夢憶梨雲

黃平州道中

隔嶺殘陽雪已晞風迴石竇約雲衣人家漸有初春意翠鳥

嘯烟竹半扉

沙際春歸草甲開尖於韭葉綠於苔可憐未作裊腰樣已費

江郎賦別才

家家修竹當門屏竹裏茅堂對石汀六枳籬中蔬圃綠矮牕

都傍碧瓏玲

小小肩輿短幕遮一蒲團地足趺跏夢回忽見寒山月空翠

如烟濕碧紗

游雲溪洞

昨登飛雲巖如入華嚴閣萬疊香雲華蓋雲隨風作態巖前

落今來雲溪洞如人脩羅宮天魔眾擊大海浪手遮日月摩

蒼穹高十餘丈摩然垂其表兩倍深四之沙石犖确流寒澌

洞復有洞千萬姿其左洞二黑如夜杳不見底寒氣射疑有

肥蠶此中舍其右洞一開門閱磬折而入通天光洞口水柱

排明璫最後一洞深冥冥不見聲沸聞琮琤蒼時洞天傳道

經頗聞龍虎翔仙靈內藏鐘鼓鏘流鈴迴潭百畝如盤平後
 出更見炊烟青人家修竹開林局省志洞深二十餘里中有蒼龍白虎石鐘石鼓又潘淳游記云內一潭廣百畝晶瑩澄徹石壁間石穴僅可通人
匍匐而入行未數武霈然雲開修竹茂林望人家炊烟上穿
 屋郵傳竊恐非真形我友好事幸勿聽況無列炬燒松明時
以賈勇欲進余迴塗復上岑樓上石室嵯峨竝奇壯寒骨悽
以無炬止之神不可留恐激天風忽排蕩洞一名大風洞潘記云洞中時殿作雷聲少頃風起不減海中

過魚梁江新橋

亂山浮翠雨新晴徑轉蒼崖拔地生雪瀑三層緣石瀉虹梁
 百尺絕溪橫苔碕瀨急魚難上竹塢叢深鳥亂鳴我亦吳淞
 垂釣客何因閑坐聽琮琤

游牟珠洞

我經平伐司道過牟珠洞龕座荒鐘魚椒塗骨茅葑仰看石
 樓開遙見古佛供近前稍哈呀小折遂昏瞢擁炬崽子先搯
 筇獠奴共地脈劃町畦山根界錯綜初陟呀短屣再窺豁斷
 甕三進豈及雷一綫僅餘縫忽拚袍袴污悉解衣裘重首下
 尻敢高手揮日難送蟻穿曳朋儕魚貫綴僕從需泥震乃厲
 出窅笑成哄雲蒸熏饋餽泉滴凝乳湏久為兌澤鍾兼積夏
 雨凍土膏劇塗脂苔滑險蹋凍危梯阻峻嶒仄徑峭橫縱錯
 趾愁凌兢捉臂憊引控進比蛇鬪鄭退等鷓過宋怪訝夸娥
 移秀逾仙客種千尋更陡落一柱恰當空轟然豎根闌儼爾
 直家弄迴聞波濤翻近覺震霆動得非應龍潛母乃巨鼉閩
 杳冥迷垠涯陰慘翳霧霏人傳水怪騰時向石牀菘未知張
 鱗鬣頗辨印跟踵神奸偶此潛出沒奚足恐夙慕澹臺雄差

晒昌黎慟惜未執燃犀曷由整飛鞚回途意未厭品石奇益
眾網攫臥罷熊珍髣舞鸞鳳詰曲挂蜿蜒橫斜巨蹄竦長如
瀑垂紳潔比月綴棟斑斑樨杏開纍纍橘柚貢三界所應有
萬彙靡不統猗與寶神區欹矣侶蠻峒營魂駭眩掉耳目飢
鴻網幸藉靈蹟繇用寫羈枕壅天工富雕鐫人事愧恠惚稽
首辭空王登輿恍如夢

龍里道中微雪

天無三日晴地無三里平人言黔陬惡險滑難為名誰知山
水好不畏崖路峭味如食諫果愈濇乃愈妙所憂雲陰陰化
作霖淫淫飛流爭界道何由度危岑南來五日已不雨更乞
經旬放晴煦搔首叩天天不語竹外雪花颺輕絮

養龍院行

蠻溪水立蠻雲徂衝風凍雨雷霆俱溪濱游牝忽觀止用鄭箋
蠶星墮地生神駒洪武年初入職貢其高九尺長丈餘六龍
法駕禮夕月如山不動行亭衢飛越峯名冠天廡學士作贊
中涓圖吾聞烏蒙之馬本卓絕番長寶貴千金須教駝有術
在孳乳先繫厥母臨崎嶇時其飢渴乃一縱決起直上蒼鷹
如更番迭試調習久蠶鼓鳥道行空虛軀幹雖小骨力健陟
險要與北馬殊邇者朱提阻聲教渡師洱海彰天誅黑雲
落鴈飛食肉思得神駿供馳驅川黔楚粵悉助騎雲錦絡繹
經巖隅潭中神物今豈無癡龍百萬睡未蘇何當鞭起蹴烟
霧太乙下況苗矜區眼前突兀見此馬追風躡電三江趨縛
其渠帥登其俘嗚呼縛其渠帥登其俘千騎萬騎鼓雕弧歌
陳天馬歸來乎

行抵普定令客長洲蔣秀才璣來見言昔欲從學於
余而未果具道黔中洞壑甚詳且訂歸日同游之約
京洛搢笏得得來每逢巖壑劇蒼苔洞天清話君能解勝似
符家老秀才

十二月十五日夜月

鐙火蠻村夕風霜餞歲時六千經遠道三五值佳期雨久雲
歸緩山高月見遲遙憐香霧裏永夜倚簾帷

曉行巖石忽墮壓擔行李皆損

晨發傍山行橫空忽飛礮仰看巨石崩萬衆叫而愕隱麟摩
層崖所遇輒相搏氣劓千圍松聲走萬仞壑晴雷八九地餘
怒尚磅礴一卷偶飛來壓擔碎囊橐得非罡飈吹恐因積雨
落物理果茫昧警魂竟安託或云此欖槍光實化砮砮左角

無復纏小醜行就縛聞語更听然解鞍且醅酌叶

白水巖瀑布

輿中作夢騎長鯨徑度香海游層城忽聞殷雷動萬壑到眼
乃是奔泉傾泉初夾山曲折行與石相搏成瑤瓊白水之白
因以名滙於巖上青苔凝滯於巖下碧玉平懸崖獨成無色
界一落百丈開空明怒者盤螭鱗甲橫飛者仙鷺翹修翎疾
者揭天桐鼓震徐者踈地游絲輕楊花萬點綴瑣闥珠顆百
串垂簾旌卷空如烟復如雨水面盡化雲英英隨風過溪灑
客袂游子目眩心神瑩黔山蜀獨尖而青涓涓淺瀨流石泓
詎若茲瀑能移情想當六月山雨驟素車白馬爭闐轟橋邊
獠狔數家住枿欄如轟搖檐楹拓窗正對一匹練川霞雪浪
四字刻在巖下窮其形安得賃屋依林垆解衣日臥松間亭對河有觀瀑亭

遙天欲雨陰霧生僕夫不于催嚴程長歌擊竹出金石深潭
恐有蛟龍驚

志稱巖下有怪物潛此

雨中自老鷹巖至白沙驛三首

晨發花貢驛午屆老鷹巖巖最高億萬丈千盤造其尖峻阪不
受足泥深滑如泔輿同垂藤猿一綫梯空嵌石壁更橫出其
唇侈而弁天風恐吹墮俯仰心憂悛

苦雨已蕭騷層雲更鬱靄無風圍圍升

見說文引浩蕩眩銀古文尚書

海不知下界中羣峯復何在奚奴咫尺間相望兩難逮我身
屈烟霄終難叩真宰何時得解駁金鷗露精彩入雲須出雲
輿人再厲乃

蠻樹寒不落蠻草冬仍花經旬洗霧雨紅翠如朝霞宛疑江
南路寒食芹初芽又疑迎梅候霧靄低鷗沙下有泉琮琤旁

有石谿訝惜此清絕境淪落獠狔家豈無肥遯士編竹甘幽
遐連山杜鵑叫和我相歎嗟

松巖塘

淄淄寒泥滑稜稜石竇虛泉聲迴木棧雲氣擁籃輿村店三
家市蠻田二歲畬招提松翠裏未得聽鐘魚

驛旁梅花

蠻村臘尾東風早雪後溪山未枯槁石橋西畔見寒梅數樹
扶疎向蒼昊嵐深已覺暗香滋石瘦還憐春蓓小細雨如珠
有淚垂濕雲似夢無人曉未逢晴旭趁黃蜂半帶朝霏曉翠
鳥先生京國打包來直泝湘沅擷芳草舉頭蒼翠亂楠櫛放
腳青黃蔓蘿薦邂逅何緣對佼人忽指病眼開幽抱吳趨春
信想銅坑斗轉參橫水雲渺畫舫籃輿日日停香林酒舍重

重繞都城九九尚銷寒唐花壓擔橫枝裊粉萼參差照碧瓷
銀燈迴合傾清醪兩地淒涼正憶君移根豈意來蠻獠仙衣
零落枳籬間丰格依然出塵表肯依池館鬪穠花自向溪泉
甘窈窕橫筵誰知怨寂寥簪巾我亦慚衰老停輿欲去更咨
嗟漫與新詩慰悽悄

下凌

非霧非霞還非霜如烟如雨空中颺著草著樹白於肪氷綫
縷縷垂窳窳問之曰凌不可詳凌人伐凌垂經常似此蕭屑
何能藏在木爲介霧爲松方言偶爾異蠻硯九溪以南爰瘴
重飛雪稀聞滕六送得之陰陽斂其用客程不畏薄寒中祇
喜農家歌飯饗

入滇南境

平彝縣宜威嶺上有萬里亭爲滇黔交界處

征鞍茸帽日駸駸客眞成萬里心山盡地還開赤堠冬殘
雪尚覆青林松針分綠齊鋪地梅蕊含香欲上簷莫歎長安
今更遠鬼方北望暮雲深

過青溪洞石狀之奇甲於諸洞入二里許以火盡旋
返導者云洞復有洞左右旁穿歷十餘里不能窮也
我乘龍蹻行狂游入山腹肺腑忽槎枒腧穴盡連屬造化枵
其中神靈實所族大之高以軒隘乃繚而曲怒垂雲萬縷倒
拔筍千束音同鐘鏞調狀肖裳裾感奇蹤吞八九勝踐漏五
六隸人倦執燧羈友勸迴躅誓裹十日糧盡探億仞谷再蘸
墨海濤大書紀巖麓

晚次白水驛聞宋瑞屏于前二日已過此矣不得相
見爲之悵然卻寄

春融堂集卷十終
來往千山路艱危萬里身同爲黔筑客不見雪溪人時命寧
終謬文章自有神蹇驢風雪裏歲暮莫酸辛

大雪過分水嶺

北風吹山馬欲倒雪雲不辨千峯縞誰信同亭爰瘴鄉新莽改祥
柯爲同亭駝褐茸衫寒料峭未春已覺春茫茫六花遙帶梅花香
多羅海畔瓜皮艇行人愁問瀟湘景瀟湘江在南寧縣城外

馬龍州驛館曉雪

宵經多羅山不辨紅軍哨殘更詣驛亭始有松明照噉粥復
圍鑪一睡失寒峭有如飲酒醺豈省村雞報稍聞小窗南西
風等噫嘯起來視苔砌雪竹亂旂燾屋後木客箒山名鑿天一
色縞絕景得未曾誰能見奇妙古來尋幽人蠟屐豈能到何
爲在行邁偏覺憂心繞乃知緣境移此識實顛倒一笑呼趣

塗吾將展遐眺

小除夕前至昆明馮觀察泰占光熊留宿齋中

十年結珮侍 楓宸形影相隨是夙因公事紛繁憐我拙交
情款曲愛君真烽烟慷慨從軍日溝壑顛危出險身歲晚官
齋留對榻喜心翻倒欲霑巾

紫誥輝煌出 禁門元臣推轂領軍屯已掄貔虎分 天仗
直掃鯨鯢盡地垠三策自聞籌遠畧一宵暫得慰羈魂飄流
萬里猶堪仗到處提攜有弟昆聞趙雲松錢黃與受穀已在騰衝

春融堂集卷十終

復之言不可忘也乃和淵明止酒詩以自警

吾生如落花藩溷隨所止甚欲效東臯終老醉鄉裏豈知童
百蠻家家食蘆子蘆子性辟瘴如檳榔苗良朋搖手戒趨冀
慎勿喜此去千里山炎烟日夜起腐腸古所云引瘴實其地
不見劉元城生還自得已殷勤謝苦語吾病知免矣有酒
如澠不復望涯涘何須求鴆炙往問勞子祀

浴安寧州溫泉在雲壽寺側

滇中多溫泉甚者等執熱此邦直南交火德易蒸泄地丁蕪
婦王兩者會局鑄真如大冶融不俟硃砂結流為山下泉與
世助芳潔我經萬仞山浴此一池雪解衣先盤礴小坐已澄
徹不知春何來盎盎浮窾穴漸同飲醇醪微溫散肢節塵垢
待驅自與肌膚別吾性本無垢云何染緇涅茲曾麻姑搔

穢旋消滅歸來憩禪牀津梁轉疲茶欲誦功德水千偈何
處覓門前螻螂川自寫廣長舌

雲壽寺曉發

昨宵新浴歸竟擬躡飛鳳忽聞五更鐘吹斷游仙夢殘僧四
五人為客起禪誦了知非梵音已覺豁塵霧佛火曉未殘晨
光早先動起來罷盥漱稍稍集僣從出寺浴雲巖豁訝森古
洞乃識地氣靈應許神漿供所恨疥壁書斜行等嘲弄惟餘
荷澤詩壁間劉中丞素存藻詩最工雅清妍尚堪諷朝陽雜紫翠林影亂鞭
聲猶喜石淙泉潺湲遠相送

白崖懷古

朝經黎石關暮宿白崖口青蒼九龍山萬笏出堆阜覆釜復
崢嶸烏道綴跟肘西為畢鉢羅洞窟劃甕缶南為毘雌江寒

濤激清剗此邦本巖疆白國垂已久誌始阿育王系出西海
 後歷傳龍祐那姓自武鄉受四姓暨五部緣崖設城守郵聞
 天寶年國事失樞紐邊臣妄開邊士馬詫騰蹂維時皮邏閣
 六詔無與偶倔強等鹵承獷猾類桑藕猶然奉朝正交閭會
 圭卣何期張虔陀牆茨最堪醜官邪當屋誅用以警九有仲
 通權奸徒黨惡兆戎首懸軍出兩道謾擬誅貳負謝罪尚弗
 容遂使鋌險走濮鬣互煽動爨睽隨指喉萬牛供鬻炙萬甕
 恣行酒鐸鞘眠月瑩銅鼓殷雷吼惡氛漲南溟殺氣射北斗
 眈眈虎在岵赫赫蛇蟠藪虛傳肉薄攻轉致飽毒手李宓復
 繼之深入中詭誘時違嬰疾癘道遠乏糧糗賁軍更殺將膏
 血動杵臼至今骨已殘舊鬼恨未朽追思唐中葉盤運迫陽
 九國枋落外家雄狐綰相綬使節領劍南萬里託干振蒼涼

兵車行感慨杜陵叟旋令金蝦蟇虛無動蚘蠲郎當蜀棧間
 至尊犯塵垢為數生厲階始事在誰某蠻陬異函夏雜種如
 瘕狗羽干儻可懷撻伐非所取我欲書其事深刻頡頏大
有禹碑蓋楊升庵 庶與殷鑒同諷誦待矇眊理

洱海向多長風甚者至掣肩輿去輿夫每患之今晨

過下關一名龍尾關微風偶作無燥怒狀詩以紀之

南行度下關四山亂青碧點蒼中最高洱海復瀟瀟山水所
 結蟠陰陽亦迸迫野老前致詞去路直穹壁焚輪每晝號侵
 淫肆橫擊其聲駭波濤其力厲霹靂端可蹙林莽詎止走瓦
 礫從空掣行人快若颺飛鷁聞言彈指嗟噫氣何太劇黑雲
 沉頽天勢掩餘霞赤頰憂厄豐隆宵寐未安席朝來金烏升
 土囊忽寥寂披襟獨冷然曾未動淺幣衡山陰可開海市怪

能覲我無古人才幸為神靈惜稽首謝天公蠻氛苦未滌吹
律尚弗同何以靖鋒鏑所斬不鳴條長養被黍麥遙應南薰
絃解此甕牖戚

寄謝經過途次諸君

單車南下逐飛鴻適館頻承授粲豐自分勞薪同賸客偏教
行李累羣公衰遲敢歎功名薄文采虛叨物望雄寄語江湖
東道主久將爭席任鄰翁

送張同知質齋煥歸永綬次升之韻

石交廿年餘同臭劇蕙茝豈期流落地相遇近滇海意態仍
昂峨胸次足壘礮去夏被檄來從戎戒胄鏗功曹重常願從
事得呂凱陳詩賦温其設誓勗敵乃行將逐槍曩取道出咧
唳緣塗蹋箐篁仔敵夾鉞鐵寧臺南陬南山水限崑崙師期

尚未徵春信入蓓蕾初候蟄始驚小住蟾再拙謂埃汗裸平
鐫功附鼎彝君言鑒微誠所賴良朋美自從辭蒸湘彈指忽
經載色養已久睽浮榮何足采曉看雜卉紅回首想舞綵執
訊勢非遙懷親情更倍念君歸緒殷感我淚痕浼三冬序潛
移萬里信難逮登高望白雲下有子舍在軍諮媿無狀詎敢
叩真宰送君欲贈君援筆氣先餒懸知覲護幃火令值初改
入境父老歡迎門童稚待重展咳蘭圖更憶蜀中案時君屬大邑令

仲松嵐作
墨蘭橫卷

過楊升庵先生故居

不信詞章士忠能叩九關呼號真有厲衰老尚難還客夢三
巴樹羈愁六詔山小桃紅欲染猶似杖痕斑
著譔多為貴聲名愛更傳生徒稱六學文采播三宣俎豆知

何日先生祠未入祀典松篁不記年朝陽樓閣上獨照斷腸篇壁上海黃夫人三春花柳一詩

送同年仲明府松嵐鶴慶回大邑任

豈料同年舊翻從異地親形容俱慘澹肝膽尚輪囷決勝楸枰在澆愁酒瓊頻及瓜聞有信西笑望峩岷

聞道松潘路將徵雜谷兵九司搜銳卒千里赴行營列帳炊

烟黑連山候火明不逢班定遠何以息邊氓前以三雜谷土司兵頗驍悍將

移檄徵之則將軍廣庭阿公謂雜谷地寒緬甸炎熱水土不宜乃止

易羅池亭

噫氣決土囊喁吁振萬竅水輪應亦然迸激安可料大塊稍遇隙逆上湧飛瀑臨水更見水動影自清妙亭亭青蘋底纍纍仙璣繞明湖柳絮泉舉似儼相肖池方百畝寬未容一塵

到涵虛露玉沙聊許孤雲照春深尚清寒宛如積秋潦偶有金尾魚時向空明掉日斜鳥雀散我來展遐眺其平比湘簟其澹等雪縞畧徇界危亭無復魚師釣想當夜涼時缺月挂蘿菀波光動簾旌悽寂類仙嶠何人賞澄瀾來此獨倚櫂

將往騰越先寄雲松四首

瘴嶺千重絕域鄰騰身汗漫竟何因冰霜驛路回殘歲烽火邊關託故人急難終憐青眼在窮交喜見白頭新中宵噩夢心猶悸肺腑槎枒敢再陳

彈指前塵七載餘承明蹤跡驅蛩如得錢市酒挑燈酌乞米朝餐竝屋居蒲褐空齋家更遠耘菘舊約計還虛阿奴碌碌君須記只憶生平下澤車

鐵甲連雲戰未收毛錐何意雜兜鍪整浮蹤約畧同齊贅假面

分明作楚優天入南溟窮鬼宿地過西漢盡神州小人有母
知同感望斷孤雲萬里愁

一麾出守歷蠻邦又向哀牢擁碧幢方寸久知生五嶽前籌
竟擬渡三江謂南大金江南得鶴鵝陣合將軍令雲松時從

蓋龜象琛期屬國降乞降之信金印果堪求斗大深潭還
欲翦銀釘

渡潞江

蟻徑盤旋五十里自蒲縹至此直下山根若釜底蠻江西來

疾於矢太息吾行胡至此茲江發番蒙奔流掠騰衝潞江在

西番名哈拉烏蘇即禹貢之黑水其水自前藏東北哈拉腦

兒流出東南入喀木界又東南流入怒夷界為怒江入雲南

大塘隘不滙海泊兼銀龍二江下經車里越擺古張機江考

怒江經芒市至木邦名查里江又經流入百車南荒獨與環

瀛通江間茆竹數家住黃果叢深塞道路云有祆神於此據

朝蒸炎烟暮毒霧瘴氣如虹亂花絮千峯層疊高刺天經時

不得春風顛喚船江岸日似火行人下馬汗交墮

八灣曉起

瘴霧炎雲極望同蕭條破驛一鐙紅人行兩戒圖經外路入

三宣版籍中月暗深鼓啼怪狖春回荒砌沸鳴蛩朝來慣送

疎疎雨已聽輕雷碾碧空

經高黎貢山

蒙氏時封是山為南嶽上有磨盤嶺即

參最高者為分水嶺南流入龍江北流上路江明王

驥討麓川侯雖由大侯川與大軍會皆取道於此山

疾雷隱轡南山睡猛雨曉霽收層霏舍輿振策不憚疲欲與

僮僕同艱危舉頭巒影高厓巖如蛇之路山腰欹旁伏猩狒

兼猶狸夔魍來往行人稀邇者吏卒初脩治稍闢榛莽刪菑

翳天梯石棧通賊陝三尺一級侔累棊駿馬行此旋倭遲十
 步五步鳴酸嘶萬千老樹擁幢摩腔枵腹裂攢秋落倒者臥
 地僵尻脍其根絡石縈縷絲蜜香花發香葳蕤貼雪一捻紅
 胭脂蜜香花如蠟梅貼雪則辛夷之屬也下藜密竹筓勞篋甘蕉葉大拚欄肥
 蒼藤翠蔦纏柯枝十里不見行天曦但聞颯沓吹寒颼蠻雲
 潑墨春淋漓後公什伯相邀嬉嘯羣連臂聲嗶呼烟山鷓
 兼子規雜以怪鳥噫吁嘻酸螿如雨喧迴礪聽此忽覺哀纏
 脾雪山天際橫長眉爛漫衆皺兒童隨熨人三兩同蒙俱杉
 皮作屋圍檜籬茲山蒙段昔所私封比吳岳金天儀升柴瘞
 玉求蕃釐靈祀蕪沒逃荒基束鹿尚書熊虎姿澤州於此偕
 驅馳磨盤之嶺干雲遠曾聞蟻賊塵雄師至今殺氣橫稜嶺
 層巔流水分兩岐南龍北潞殊派支五十三參孰詎咨艱難

詰曲頗似之南詢我已窮坤維德雲慈氏真導師河山久識
 皆心為大荒南經奚以悲獨惜此區劃怒夷蒲蠻蒲卡自古
 遺坐致瑋麗無人知九州之外良幽奇愧無巨筆磨天麾盤
 旋漸下龍江湄又見雪浪翻蛟螭

過龍江鐵索橋

昨過蘭滄森欲墮鐵索千尋顛如簸龍川今到心徘徊下瞰
 怒石濺風雷崑崙岡前山勢住一線崩流莽迴注傳自春多
 不知處龍川江之源從喀木所屬春多嶺南流入滇上亘金繩作飛渡六州鑄錯
 噓炎烟鴻鑪鼓燄凌丹天見本行經鍊成鈎鎖通關鍵如後接尾
 臨崖懸如蛇蛻骨繞樹纏誰斲石竅深而圓巨靈隻手分經
 緯忽屆青冥作平地縮版仍排雁齒斜憑欄未懼蛟涎沸尋
 橦度祚寧足豪梯空蕩漾凌奔濤前軒後軒輕吾豈免見慣不

須愁脚軟

宿橄欖坡竹屋

高黎貢如屏龍江亘其肘南爲橄欖坡居蠻僅八九此山萬古荒茅茨亦何有截取青蒼篔簹以安甌瓠縷縷界紋簾條條約疎柳窄同鳥在斂疎類魚潛雷用紙線繞之不藉巧人手山風日吹撼裂痕互糾紐行人度屋外了了見踵首疑洞垣一方斯術授誰某夜深展單衾枕簟落星斗夏雨儻淋漓便擬作土偶隨處等蘧廬我已悟莊叟

抵騰越後寓同年錢觀察黃與邸舍長宵絮語感成

三律

青蛉南下路千層翦韭炊梁有舊朋霜鬢年華經轉戰黃與前歲

從將軍進討緬甸至天生橋而返月燈宴會憶同升撫言同年不須止酒師

元亮卻愧哦詩替右丞黃與謂予五言今古體多似右丞話到更殘渾不寐

搥牀彈淚誦春陵

蕭瑟嚴關正勒兵又聞投鉞重專征銀槍分駐烽烟遠龍川蓋達

龍陵皆分駐勁旅金印新頒壁壘更中書書瑣賁兩副將軍印至滇自有臧宮圖遠

畧何須樊噲議橫行時總兵哈國興等復有取木邦之議小儒豈習韜鈴術也

試弓刀戛擊鳴

鼓角無聲夜漸分匡牀促坐息勞筋客窗且幸同聽雨子舍

空愁獨望雲鐵索橫橋通急遞時修龍江鐵索橋君董其事羽書匝地走

雄軍奉法自台派京城健銳火器兩營及索倫西陲鄂倫春兵並吉林水師成都荊州各駐防兵以次分起前赴永昌杜陵憤切成何補蘇息窮檐在使君

黃與勸余小飲言兩年在戎幕中杯杓不輟而眠食

如常飲酒引瘴蓋其說未可憑也乃復和前詩以自

解

生平慕簡文淵靜更閑止肯敦陳驚坐投轄重門裏茲來況
避瘴已分謝酒子君言蠻獠區食物無可喜鏡中黃槁顏端
待微醺起既用蠲幽憂兼可葆生理齊物久任天彭殤豈由
已我懷如膏煎一沃斯已矣何妨由糟邱更溯醉鄉洙仍陶
劉伯倫往配鴻漸祀雲麓漫鈔近鬻茶者
陶陸鴻漸像祀之

龍江道中墜馬有作示錢黃與趙雲松

鷄既鳴矣雲尚黑東風吹雨濕青壁泥融于膠滑于漆殿吏
送馬堵牆如何為欲逐羣駿趨一躍而上踣泥途緣途很石
紛狂象下偏湍江更千丈中有饑蛟倏來往石間尋丈青蒙
茸聳身直上祗席同無須攜酒勞諸公僕馭爭扶謝神庇我
識山神有深意不作三公忍折臂

再渡潞江

又向蠻江喚短篷久將身世付觀空天知炎瘴無由著轉與
清涼拂面風

重宿龍江稅房

繩橋斜日駐征蹄竹屋茆藩識故蹊小憩又增三宿戀重來
恰便一枝棲前山雨過江聲急遠峯烟生暮靄齊猶有吏人
相問訊孤燈如豆助炊藜

移居城東李氏宅和淵明韻

一身寄蠻荒何者為真宅街西儻數椽頗似鷄棲夕蕭然挂
單僧肯為寢處役腹疾兼秋霖聊取安筦席移居東門東幽
境異疇昔問疾如文殊妙理端可析

雲嵐間烟堞繞屋無聲詩面城更近市巷僻誰知之神情忽

散朗病去不可思明知等桑下託宿寧多時滿庭翳花藥素
尚良在茲結居必林泉斯言不我欺

雜咏李氏寓中草木

珍珠蘭

珠蘭本非蘭時俗號魚子空齋風露清幽香宛相擬乃知古
論交同心具微旨所尚臭味諧不取標格似茲花在南吳其
長尺有咫炎暉易敷榮葳條俯牕几離離綴微翠九畹娣姒
耳誰補楚騷詞定可續芳芷

菖蒲

昌陽非小草本爲神仙資蕭然水石間永與塵土辭端如勁
節人義不貪膏脂誰云根一寸頗有凌寒姿我來蠻濮中藥
物何由支日噉薏苡粥聊用扶衰遲寓齋忽見此青蒼照鬚
眉其根皺瘦透慙苦良我師何須十二節服食凌輕颺

竹

濕地饒脩篁如蓬最繁庶脩脩亞牆邊新翠滿行路我衰更
流落病起澹無豫此君真高朋浮筠照巾屨蠻陬無歲寒何
以別貞素地磽笋亦苦餉客難下箸惟餘清節在對我永朝
暮因思蒲褐齋叢叢尚如故應爲報平安含風曉相語

芋

連禪本蜀產寔可供盤飧未作白石粲先有青蓋翻欹斜雜
荷芰零亂穿蘋蘋眼明數莖碧颯颯當前軒瓦溝流新雨竟
夕生微喧蠻方方食貴比屋虛藏困且茹甘蕉子兼劬鳧苴
根似應廣植此庶充老瓦盆

薔薇

薔薇兒女花
花宜傍臺榭
如何背東風
開偏近清夏
有如貧家女
幽獨羞早嫁
嫣然吐紅芳
肯與春榮亞
盈盈梅雨時
冉冉權籬下
微香不自薦
零落滿橫架
誰丐翠微堂
調鉛寫嬌姹

病起

山浮雲氣入
松杉聽雨空
牀側枕函老
矣精真銷燭
武全然病已
遇巫咸芻糧
載路傳呼急
寓所近倉聞輓運
石凌空激響嚴
近新鑄大礮重三千餘斤其子
屈指師期知
有日喚磨長劍製
征衫

聞師期定於七月二十日有作

元戎十乘啓行先不俟邊關掃瘴烟
獵狝自應征六月鬼方何至克三年
禡旗宜社軍容肅委火炎風氣候偏
聞說戛鳩

衣帶水羣蠻
早機渡江船
先是戛鳩頭口賀丙率猛拱夷官內地屬夷且集船於江岸以備濟師

南甸

昨過黃果樹今度曩宋關關門僅尋丈
一逕當市闌邊防久不慎疎畧由治安
出關忽浩蕩眾嶺紛噴岫丙弄聳其北
稍東為蠻干皆山名南牙鬪雲霧下有奔流寒南牙山甚高延袤百里下有流泉流
川豈異昔昔勇今何孱正統八年刁氏以隨征麓川授宣撫司王師振霆電
多士爭桓桓曷不軒猛氣鍛戟隨征鞍

師次干崖甚熱

騰衝陰慘悽六月失煩暑居恒擁毳罽
無復事織紵經旬乃燠乾驕陽氣仍聚
兩日更蘊隆燒空劇束炬祝融權久弛
臨

秋轉具舉炎光熨甲裳揮汗欲成雨行人下馬坐正值日當
午頭眩目亦眩據地氣如縷遙聞海泊江風濤戛萬鼓執水
往枕流庶洗煎灼苦南荒直熒惑毒淫固其所所憂逼歎蒸
瘴癘困徒旅柳下扇喝人慨然念前古

盞達

盞達宣撫司厥壤與緬接初夏曾見之欲語已嗚咽爲言千
載前烟火等都邑禍始自柔兆朱波肆掩襲嗟峨萬仞闕竟
使烽烟入兒童被創痍婦女亦俘繫餘者悉逃亾百戶僅存
十我聞怒憤盈昔裂髮旋立茲來過其墟蒼蕪遍原隰長湖
空澄泓緬寺半頽壓何時掬磨梳軍書早奏捷平平太平街
街再使邊黎輯

出銅壁關

八關孰勦建晉江實英雄袤延逾千里自西徂南東猛密路
久絕誰復收漢龍存者僅有七銅壁居其中

銅壁關爲控制

巨石萬仞在其西鐵壁虎踞天馬在其東又東南爲漢龍關蓋入猛密之路今已不屬內地八關皆天啓年間巡撫陳用賓所築陳福建晉江人 嶢嶢布嶺上鳥道梯寒空磴高泥復滑健馬悲

嘶風出關轉平曠逕稍分窅窿我聞古設險塞阨當要衝一

夫奮長戟萬衆疲仰攻茲何失地利毋乃籌未工抑歷年歲

久改築迷前蹤戍兵結木柵周遮等垣墉芭蕉森十丈灌木

紛籠從長天欲釀雨深谷雲濛濛玉門幾時入回首心憂忡

向始陽爽河道中有懷升之時升之從經畧由止

出關已黯淡冒雨赴陽爽長途不見天萬古失軒敞陰陰昧

日車慘慘寒林莽氣蒸雲霧滋沮洳漬平壤積潦兼奔泉萬

馬驟來往澆濶成塗泥滑與稀膏仿淺者已數尺其深遂盈

丈木根嵌石齒千萬迴巨蟒豈無追風足一步輒俯仰顛蹶
寧可知攬轡敢用崗偏裨昨督運陳詞苦惚恍前此守備李
文升報陽爽
河至野牛湖六十餘里深
谷淖泥驟馬多有斃者能吏亦束手呼號費錢帑修治竟
何能艱危逾疇曩矧聞止丹高險惡出心想身手媿健兒曷
以恣掉鞅何時度重山平臯忽誅蕩擊楫共橫江含悽訴恹
攘

野牛壩

劫風飄微漚緣空立世界蒼茫坤軸中一卷僅織芥往往枵
然虛吐納應吹鞞茲山更恢奇離列儼擯介桓桓萬貔狝芟
林築營若夜深刁斗鳴巖巒忽鳴噫宛撞巨石鐘訇轟和梵
每有鼓角刁斗聲四山及
地下皆應之其響更鉅不知耳目眩坐覺乾坤隘狼鳥
息號吟鬼神走荒怪儻如泗石浮下有六鼈戴我欲拂珊瑚

誰作九牛犗

紅湖

亂山不知名云抵紅湖宿是時天欲陰雲霧變慘黷蝮蛇如
樹長驚人上楓榭怪鳥亦偶嘯其聲雜歌哭奔湍遶澗流徒
旅競飲沐忽催傳羽書磨盾缺明燭就爨吹濕薪濃烟苦眯
目據地揮禿毫淋漓兩三幅字畫亂真行半作蛟龍蹙封成
旋入幕默坐藉草蓐我馬忽哀鳴踏地頗不盡日行山箐
何由覓芻牧艱難忍汝饑分飼出囊粟明晨蹋青泥庶幾力
騰蹴

夜雨

山泉奔如雷夜半捲衽席枕戈本不眠濕痕漬肩脊軍令未
敢喧獨起召徒役不知帳外雨更作飛電擲谷音合蕭騷地

籟互迸迫月落雲氣昏諦視咫尺偶從破鞍坐稍待東方
白未遑收脯繡聊用抱圖籍遙想前山泥比舊更增劇征夫
三千名淚與雨泉積

經火焰山下

蠻山號火焰怪異傳兒童垂老乃過之深黑聯箐鼓是時積
久雨雲靄彌鴻濛十日匿不見何由覲青穹夔人言此地丹
天司祝融其帝赤燦怒火德常蘊隆炎烟裂坤軸上耀金鷄
紅石棱作寶燄剡剡猶騰空毒泉兼熱瘴饋餼填心胸神鬼
尚焦爛矧乃行人蹤茲來幸陰露庇祐叨神工不然等夸父
喝死層林中殘暑尚未淨晴光肇長虹為念後來者愁歎何
時終

蠻暮雜詩

絕徼踰千里懸軍及二旬蠻江開地脈

自銅壁關至東谷悉層岡重阻惟蠻暮西

南沿江平壤幾二三百里

炎嶺斷風輪士報逃亾數人傳瘴癘頻飛書聞

送款消息未曾真

莽莽中秋雨銀蟾定有無江湖連浩蕩

南大金江在西蠻暮江在西南來湖在北

繞營三面皆距水

雲霧入模糊卑濕嗟何及艱危病未蘇不堪重把

酒堅坐守羈孤

時廉使諾君肇仁穆親以杯酒見餉

物候殊堪怪天時未可憑日高紅霧漲秋盡火雲蒸妖彗光

初隱

時有長星于七月下旬見鳥柳間十餘日而滅

長虹氣尚騰雷公真好事頻夜

試轟較

下壤成沮洳平臯長稊莞蚊雷晴撲帳蟻陣曉登盤荒徼真

堪異殷懷敢自寬秋蟲嘯最苦永夕伴長歎

行李誰能惜塗泥幾日通儲胥虛稊稂隱語託芎藭取稻搜

夷壘求金訊使筒椎牛千帳厭絡格

見禮記鄭注

灑腥風

蠻暮蠻司地荒城有舊蹤屢經思陸據

明嘉靖中任思陸自麓川奔此曾入

孟都封

蠻暮本屬木邦孟都木邦之別名也

沃壤豐稔稻番船聚貝寶印孃今

內徙寥落賸溪農

先是土司瑞團奉其母來降入居內地蠻暮土司城遂廢今僅存南來甘立弄種蠻

谷數寨耳

荒落平蕪遠蒼茫勝概存橫舫通孟養

隔岸蒼蒲蠻岡即孟養地擊柝及

官屯傍嶺通軍火瀕江啓壁門後期催未至薄險與誰論

策馬萬山秋梯雲指戛鳩熊罷開絕徑提督哈國興率衆先行絞鱗避

橫舟

聞經畧已渡南大金江

兩久旌旗暗泥深饋餉愁和門仍執訊未

覺損前籌

薄伐追前代樓船下瀨多夾江三路進

時議戛鳩西路兵由猛拱收猛養搗緬西

境東路兵取猛密掠緬東境合中路水師直指阿瓦

順水一帆過形勝懷沙垣

明史王驥造舟

于沙圖經考阿禾

元人由阿禾阿昔二江乘舟以進

造舟工作急督運敢蹉

蛇騰越州龍江路皆流入緬境然難以前舟惟大金江其

少木弗能造船且四五月間漳瀉方盛人不可居乃伐野牛

成之下蠻暮江以達於大金江

未具艤艦先徵組練兵飛騰經粵嶠絡繹過

神京先是命

選吉林水師一千福建水師二千赴滇備用

浮鼻風濤慣湛身性命輕水犀真勇

決端可制奔鯨

再選川黔騎兼程楚粵材

三十二年川黔楚粵選擇馬匹運送滇省至是復令四川購馬八千

匹貴州購馬六千四百餘匹湖廣購馬一萬七百芻茭連路

餘匹廣東廣西購馬九千九百餘匹以濟軍需

積雲錦遍山開入淖誰能出鳴瘡迴自哀駑駘存幾輩珍惜

等龍媒

磊落征南帥風雲動指麾名仍當右拒責已任全師忠盡神

明鑿憂勞將佐知生平表餌術盤錯未曾施謂副將軍廣庭先在

伏莽游氛亟前茅斥堠長未能擒任豹差喜獲餘皇八月二

偵者知賊弄船來率兵密掩之秋霽弓刀健宵清鼓角揚頗

殺二人餘赴水竄去獲船以歸聞驅雜種捧土固隄防小校陳作材來報

日早梗稱蠻老廿立諸若焚夷俱為蠻本是侏儻俗真成魑魅居圍腰網布密貫耳野花疎設窅驅

狂象排籤掩懦魚夷人謂美為儒皆以蔬果來獻聞風和震警先後獻芳蔬

羽檄流星急軍書刻晷題生涯催白髮道路怯青泥日久軍

容壯自九月初雨霽後各隊兵漸集秋高馬力齊明晨移壁壘更指大江西

時將進吧新街再過香楠林中

畫楠萬本遠叢叢雨過初晴日色烘行過一程聞不斷染香
人在綠雲中

千軍萬竈作勞薪早爨還聞玉桂辛知是山靈終愛寶不教
編棧下通津

寄門人蔣檢討舜游鳴鹿
北望羊苴咩經時信使疎烽烟初告警瘴癘未全除雨積空

江漲田蕪列砦虛艱危誰見憶莫忘十行書
重九

興安嶺上作重九雪打鬚眉大於手風毛兩血快行圍笑指
黃熊銜箭走怒飛萬里真奚為昔依北斗今南斗重逢九日
到蠻谿寒暑分司竟何有是時初霽金鷗張戎旃似火洪爐
揚飛蠅接翅晝障案怒蛇奮尾宵蟠牀武溪毒淫真足閔一

望金沙波泯泯征夫不忍說登高憶度危崖幾艱窘官屯隱
約重雲遮尅期進屯臨江涯畫楠黃果千萬本無從小摘思
黃花昨嫌蠻酒辛而刻一醉於今安可得被祥豈用佩茱萸
瘴雲殺氣漫空黑

猛暮道中

薄霽泥塗淨荒鼓逕路微灘回奔萬弩樹古漲千圍兵氣浮
殘壘軍鋒指大旂游氛知漸避斥候報書稀

西帕河邊鼓竹數十里

忽見千竿竹何當萬畝寬臨溪晴更潤罨逕晝長寒歲久苔
花遍秋深粉籜殘夕陽回駐馬真作翠雲看

渡南大金江

乘流更狎水犀軍指顧秋濤接海濱島嶼箐深藏候火江中島長

四五里上右有峽 弄孟襄二此若 江湖波合漲蠻雲蠻暮江南來湖皆 紅湖驛

路沿流近蒼浦烟嵐隔岸分爲問建瓴形勝在何時飛渡策

奇勳

荆襄會記挂颿過又向蠻江溯逝波秋老沙田鳴鸛鶴風高

雪浪駕鼉鼉連雲殺氣居人少下瀨軍烽列竈多水師禁舟中舉火炊

擊者率于岸旁穴竈 擊楫橫戈追往事靖南碑刻定重磨明史王驥造舟下金沙江

與任思陸約立石表誓江上曰石關江枯爾乃得渡

再渡南大金江卽事

南荒經南空未鑿誰考江源溯白霍蠻暮南來大展拓斷岸

長天莽寥廓何爲衝風振長薄不見軒然大波作野田秋鶴

長于人盤雲忽落呼其羣大魚躍水蒼無鱗丙穴石首非其

倫小船三人槩薄羸時與阿制府補堂思哈諾廉使肇仁同渡 數尺斜陽射林邏

殺氣如山蔽空墮激電一聲飛馱火

阿副將軍 里亥 輓詩

上公威望壓朱波 緬甸頭日以書求 近領樓船已臥痾 公久

登舟 溫嶠登舟心尚壯文淵鑿室病難瘥三號何處從升屋

益劇 時幸于 五夜空聞喚渡河除道梁嗟人不覺冬雷聲激怒濤

舟次 多 是夕

昨傳星象隕瑤樞 公次猛共夜有大星隕 北落光茫定有無其

于西方越月餘公卒 悼背瘡亾卞壺最憐視舍有荀吳 謂公了 上方祀器 君

恩遠下水危檣士氣孤此地年來多戰鬼雲旂來往眾靈趨

送升之回騰越

前生出家人一念逐仕宦天將警其貪遂使歷憂患家鄉在

勾吳骨肉隔京縣炎陬瘴癘蒸軍壘烽烟亂艱危有萬端經

歲閱已偏差幸聞道早生死齊夢幻儼聲夜盤空過枕了不

竝誰知今送君老淚轉飄泣與君共騎孤哀鳴等連鴈相依

萍偶聚相別去屢頻騰衝雖瀕邊烟螺映林館藥餌足自醫

水土况平善裸夷尚未誅安能定謀面緣江柵若堅排日事

攻戰他時儻死綏馬草本非戀隨地有青山荷錡最稱便君

其賦禮魂荔蕉薦几案披髮下大荒一笑激奔電

卽事次升之韻

料量劍箠與弓檠時向蒲甘問去程解帶擬陳攻壘具張帆

頻望下江兵負嶠賊已同狼顧穴地人方等蝨行仰首憑誰

占泰壹陣雲如墨壓山橫

再次前韻

身如三尺倚牆檠瓠落難期匠石程束縵自維喧擬馬饋漿

親問裏創兵瘴烟入夜緣壕起礮石凌風傍帳行刁斗聲中
心欲折憂時頻按劍鐔橫

別升之後有懷三次前韻

昨宵絮語對燈檠忽送歸人又一程揮袂便辭磨盾侶望關
恰趁運糧兵早糧戶屬頗憂伏莽今與肩輿最喜獠奴便與
者皆南甸手劍先看驛吏行經畧令驛人永夜相思如念我
蓋送焚夷水雲深處大江橫

四次前韻

遮眼文書對鐵檠幕中功籍幾時程督郵屢調三關卒先是
傳於銅壁既至新街移調鐵壁今以劇壘同催兩鎮兵時開
老官屯距虎踞關最近復令移設
總兵承平為鎗所傷鶴麗鎮總兵德福陣亡圍向箐林深
營兵皆歸楚執鎮于文煥昭通鎮馬彪管轄
處合人從矢石隙中行同仇志切真堪痛往歲秋原骨尚橫

寄升之五次前韻

燕盡松明當短檠何時馬首指歸程聞雞起舞朝催戰門蝨
雄談夜論兵師老難期旬日下年衰羞逐衆人行杜詩老逐
羨君歸憩蕭閑甚藥裏書籤自在橫

升之夢作宮詞詞旨深婉六次前韻以足其意

經年挑盡兩窗檠路隔昭陽又幾程敢望樊姬能諫獵尚期
鄧曼善論兵黃金誰賦長門怨青冢頻愁絕塞行猶有當熊
心事在臨風未肯臉波橫

入虎踞關

一戰聲先奪重圍武更揚攻心能震盪喪膽敢併張乞命詞
尤屈尋盟誓不忘錦袍排十四緬甸頭目十四拱手話來王
炎徼烽烟靜窮邊景象新聚觀連婦孺列肆雜夷民納贖軍

威振垂囊士氣馴 饒歌傳凱樂正及一陽春時值冬至
銅壁高猶在金江望已沈未成磨劍志尚愜棄繻心鶴鶴迴
行列鳴鴉識好音 成人迎候遠旌旆滿林岑

過太平坡

霜華薄薄上疎襟 鳥語猿嘯竝好音 木棧縈迴連石棧 松林
迢遞接杉林 請纓差遂平生志 負米偏愁歲暮心 喜見太平
真有象 蔬畦稻廩徧高岑

回至隴川與黃與夜話七用前韻

竹屋仍挑聽雨繁 生還辛苦算郵程 敬容猶肯留殘客
宣武真拚作老兵 日晚黃茆蒸霧起 風高青燐隔江
行撞胸 舊事悲重訴 歎息宵看斗柄橫

送黃與還駐隴川八用前韻

離堂重翦一宵繁 去住忽忽又異程 轉餉尚監搜粟尉 擁旄

仍護駐關兵時以虎踞關駐兵未撤且并燕 春燈臘酒誰人

伴 霜驛風郵信馬行 想見小梁河畔路 梅花如雪隔林橫

抵騰越後寄同里邵珏廷景光 兩貢生

玉關生入卸戎衣 回望吳淞萬里違 櫻筍鄉中殘夢在 枌榆

社裏舊遊稀 輕帆五兩青油舫 矮屋三間白版扉 擬向西枝

尋小隱 煩君重置釣魚磯

驚越寓舍九用前韻

挂壁弓衣已卸繁 空將南北憶行程 呼鷹玉塞秋圍獵 立馬

金江曉勒兵塵劫 何堪燈下話家鄉 只許夢中行 飄零蒲柳

年年甚 莫怪霜花著鬢橫

再過升庵先生故居

茆屋三間護槿籬重來駐馬謁荒祠風流軼事傳金齒諫疏
高名動玉墀花下題詩諸伎乞雪中酌酒故人思南行卻羨
君猶近未到蘭鳩浴象池南大金江東岸有渚一處

臘月十七日傳經畧阿副將軍前制府補堂暨參佐
諸君合樂置酒酒罷奉呈副將軍

池曲晴暉傍檻明笙歌叢裏列羣英徒誇邱仲工吹笛誰是
桓伊善撫箏八生風霜催歲暮當筵鐘鼓樂時清祝公借箸
休三嘆閩左齊聞快息兵

送孫侍讀補山士毅

十行 詔下赦封豨奏凱仍看振 國威頒賞敢思歌杖杜
還家差免歎蚍蜉蠹裳照路隨黃閣玉佩分行入紫微時與
臚德引秉恬隨多少沙蟲畱徼外知君南望更獻欬

副將軍既振旅回永昌時屆歲除官齋尊酒追溯用
兵顛末述事抒情輒成聯句八十韻

詔撤三年戍升人依萬里城受降唐節度甫振旅漢營平尚
藉邊籌遠升旋逢歲籥更星霜回暮節甫烽火息嚴程蓉幕
叨陪侍升椒盤快合并紀勳詞磊落甫感事意迴縈在昔承

恩命升於茲習義征重邀

王母福甫益勵丈人

貞公初受命督師啓行時請皇太后宮請
賞資甚渥並傳諭所賜青瓶如意皆

寓吉穴竄將窮鼠升波翻未翦鯨先聞傾鼎餽甫繼悼結冠
纓倉猝殲于遂升消搖散在彭以上敘揚制府應琚貽誤軍
並錫箔江木改弦軍政肅甫挾纊士心傾戎畧書詩裕升儲

胥竹木贏習勞曾運甓甫肄武亦開棚分埒騰驪駘升排圉
積稜祝威真敷絕徼甫念愈軫疲氓勢可乘因壘升功偏待

秉衡以上敘經畧赴滇統師進討凡取道儀容諸將懾德甫號

令一軍驚借箸師中協升飛符闔外行周咨常旁午德甫秘算

必先庚吉日應徐卜之升凶門詎急爭深燈輪惘悖德甫訓席費

論評薪恐難移突升其虞易下枰終朝惟仰屋德甫前路邊揚

旌萬仞嚴關峙時副將軍由銅壁關前駐野牛壩督造戰艦

通西路升之千重駭浪橫蠻雲凝作嶂德甫淫雨積為坑振策經途

速升之浮查問渡輕幸牽巾幘戀德甫得使觀輿迎德甫拱土司

剛繫其小妻遂率勇決空羣醜升平安屬使伴遠期德甫巨鳥

德甫來就亞夫營時副將軍已進駐新街屢遣夷人此地雙江

扼蠻暮江自東來灘于南大金江斜對維公隻手撐夾鉄觀

戮叛隴川人蘇明燦段世瑞來往賊插羽亟徵兵削梯高橋

轟升之鎔金巨礮轟何須燃斷鎖德甫絕勝渡浮罌乘扁馳溫

迎道伊將軍西揚麾挈頤榮阿補制府東西連玉帳德甫水陸應

銅鉦會合歡初沸之升飛騰氣已盈非綠坎小敵德甫直與奪九

聲姑蔑收空壁之升餘皇徒斷濱猿亾斯就縛德甫禽逸乃遭揮

十月十日新街水戰擊收賊兵獲其舟並風陣催吼飽德甫霜

稜泮劍瑩官屯趨浩蕩德甫賊柵列崢嶸德甫以下敘進駐老官當

轍蟾宜捕之升藏岫虎莫撾越蛙徒自式德甫衛鶴那堪合忠蓋

通神鬼之升恩勤邁父兄有言皆激奮德甫無物不抒誠瘴癘寒

猶熾之升瘡痍力轉勅鎗烟摧拉雜德甫機石擊鏗訇執銳兼持

燧之升臨衝競挽輞梯危懸碧漢德甫隧曲穴青坪俘卒聯綴纏

之升連夷驗刺黥時舟師生獲十餘賊并有自寨逸出來下游

援漸絕德甫中夜諜頻偵裹血方酣戰之升炊骸遂乞盟老官屯

久舟師又斷其前來救援賊寨垂破而卑辭函鏤貝德甫吉語

應占負

副將軍赴滇時途中遇善養者筮得離卦六爻皆不動偃武之兆也時值文淵病之羣

欽諸葛名

時經畧抱病編人來乞降者副將軍前遣之至誠孚裸虜德甫大議洽豪

英表餌幾全握

升韜鈴術盡屏盤根衷獨苦德甫省括計彌精

待振虞階舞

升微調傅相羹旋師符 救諭德甫請命為婆

俾

軍中方受降而中旨適下已令撤兵納款求陳幣升攄忱謝宰牲懽呼喧

爨

德甫感泣遍柴荆臘後蛩催織滇中冬候蟲聲不絕春前擗試

耕殺看消枉矢

德甫瑞定表華萃遠譯風諧律古謂東風入律遠人來服時

何貢使將至新郊雪散霏

滇中少雪而連朝四山積素故云升天歸上輔德甫計日近元正經畧于嘉平十九日起程赴班管停磨盾

之

升 珣弓罷繫繁薦辛挑細菜德甫透甲擘香橙泥飲蛆浮瓮升

徵歌

鴈語箏燕私蒙款款德甫鴻論劇觥觥烏本期頭白升之魚

還念尾

顛仲宣仍逆旅德甫元叔剩餘生夢寐嗟相對升之然疑

忍其明追思從袴褶

德甫誓欲掃欃槍匪尚犁庭績升終酬攬

轡情居恒時若厲

德甫履險道能亨偉節強哉矯升嘉謨展也

成畫圖垂紫閣

德甫譽望溢丹瀛猷壯推方叔升知深荷安嬰

願從元白後

德甫驃樂載同賡緬甸即古驃國唐韋臯為驃即度時進其樂部元徵之白樂天皆

有詩紀事

除夕和蘇文忠公韻八首

冰檠擘黃果翠釜羞青蒿謂將一夕樂稍慰終年勞年增年

正減哀謝安能逃終媿狂接輿御曲煎明膏除夕無可除鞫

愁亂如毛塊然聊取醉負此長檠高

憶我童卯初膝下最酣適每逢歲云暮狂走覓梨栗憐我任

取攜飽食不須乞如夢四十年舊事半遺逸老親寓京華守

此懸罄室况復悲孤兒荷戈萬里出今宵對酒樽一笑未可

必

地爐松火溫微紅照燈背隱隱鐘初鳴迢迢夜未艾春歸雖

尚遲明年正月九日始立春已與東風會回憶從軍時死生付大塊豈

僅如杜陵崎嶇走劍外乘墉親矢石踰嶺冒鼓鼙艱難苦戰

餘卒歲身仍在敢遽慕步兵寒江問鱸膾

先人最伉直斗筭豈屑數手書百世師先君採屈子以下至史閣部可法其一

一十人為百世師錄鑿楹示遺語小兒楊德祖大兒孔文舉精心辨邪

正刻畫分脈縷昂我兩齒牙名教在拮据今我等枯蓬年年

走風雨文章既聲悅才量亦筐筥所冀邊塞安九穀賤如土

耿耿憂世心九原儻應許

荆蠻古要服驃國尤遐荒幸逢 威德播贊幣來相望醜徒

今內向殺氣迴穹蒼邊防亦布置普洱連永昌庶幾補半善

豈用嗟凶羊寄言繕牧圉辛螫期毋忘

我生如田仲巨瓠不容斲與世頗齟牙其故坐愚慙行年四

十六壯歲等風雷鳧鷖各短長衰晚豈能學宵分更酒悲方

寸起五嶽獨慚任道力遠遜園人犖偶欲破觚園撫躬輒形

渥決策謝干時何庸叩牛角

鉤山湖畔路疎柳三家村自從掩惠帳薛荔頽牆垣傳聞屋

後竹遍地穿龍孫屢思刺一懼雪夜歸柴門老成雖淪喪頗

有親串存深春攜蠟屐卜夜開盤殮旋京尚未卜此意同誰

論桑弧射菟首何日師劉昆

去冬逢舊雨陪我娛殘年官衙夜置酒不用青銅錢誰知鳴

陰鶴分飛隔吳田往歲除夕在馮泰占署中今泰占以內艱歸嘉興矣所幸踐戎幕仍

得栖寒氈驅愁供一醉賴此杯中賢醉計歸時路寒食紛秋

